

小兒明  
下二

痘疹論  
麻疹

景岳全書  
卷之四  
痘疹



小兒則  
下上

痘疹詮

痲疹全  
有目一  
張



景岳全書卷之四十一 謨集

會稽 張介賓 會卿著

西園 黃廷璋 毅砂氏訂

小兒則上

總論一

小兒之病古人謂之啞科以其言語不能通病情不易測故曰  
寧治十男子莫治一婦人寧治十婦人莫治一小兒此甚言  
小兒之難也然以余較之則三者之中又為小兒為最易何  
以見之蓋小兒之病非外感風寒則內傷飲食以至驚風吐



南京中醫藥大學圖書館藏

瀉及寒熱痞癰之類不過數種且其臟氣清靈隨發隨應但  
 能確得其本而撮取之則一藥可愈非若男婦損傷精血癩  
 頑者之比余故謂其易也第人謂其難謂其難辨也余謂其  
 易謂其易治也設或辨之不真則誠然難矣然辨之之法亦  
 不過辨其表裏寒熱虛實六者洞然又何難治之有故凡外  
 感者必有表證而無裏證如發熱頭痛拘急無汗或因風搖  
 振之類是也內傷者止有裏證而無表證如吐瀉腹痛脹滿  
 驚疳積聚之類是也熱者必有熱證如熱渴躁煩秘結癰瘍  
 之類是也寒者必有寒證如清冷吐瀉無熱無煩惡心喜熱  
 者是也凡此四者即表裏寒熱之證極易辨也然於四者之



中尤難虛實二字最爲難辨蓋有形色之虛實有聲音之虛實有脈息之虛實如體質強盛與衰弱者有異也形色紅赤與青白者有異也聲音雄壯與短怯者有異也脈息滑實與虛細者有異也故必內察其脈候外觀其形氣中審其病情參此數者而精察之又何虛實之難辨哉必其果有實邪果有火證則不得不爲治標然治標之法宜精簡輕銳適宜其可及病則已毫毋犯其正氣斯爲高手但見虛象便不可妄行攻聲任意消耗若見之不真不可謂始去其邪諒亦無害不知小兒以柔嫩之體氣血未堅臟腑甚脆略受傷殘萎謝極易一劑之謬尙不能堪而况其甚乎矧以方生之氣不思

培植而但知剝削近則爲目下之害遠則爲終身之羸良可  
嘆也凡此者實求本之道誠幼科最要之旨察雖言之若無  
奇異而何知者之茫然也故余於篇端首以爲言然非有真  
真之見者固不足以語此此其所以不易也

陰陽應象大論曰善診者察色按脈先別陰陽審清濁而知部  
分視端息聽聲音而不知所覲權衡規矩而知病所主○  
此論雖通言診法之要然尤於小兒爲最切也

初誕法二

小兒初生飲食未開胃氣未動是誠清虛之臍此時開口調燮  
極須得宜保嬰諸書皆云分娩之時口含血塊啼聲一出隨



卽嚙下而毒伏於命門因致他日發爲驚風發無痘疹等證  
此說固似有理然嬰兒通體無非血氣所結而此亦血氣之  
餘何以毒遽如是卽使嚙之亦必從便而出何以獨留爲害  
無足憑也惟是形體初成固當爲之清楚其法於內疳時用  
軟帛裹指空去口中之血乃用後法并拭去口中穢惡以清  
臟腑此亦初誕之要法不可無也

開口法凡小兒初誕宜以甘草細切少許用沸湯泡汁以淡爲  
妙不宜太甜乃用軟帛蘸汁徧拭口中去其穢濁隨用胡桃  
肉去皮曬極爛以稀絹或薄紗包如小棗內自口中使吮其  
汁非獨和中且能養臟最佳法也○若母氣素寒小兒清弱

者只以淡薑湯拭口最能去胃寒通神明并可免吐瀉之患  
此法最妙人所未知也拭後仍用核桃法如前○一法以朱  
黃半分同硃砂研切蜜調如前與乳爲佳極能辟瘴去穢  
惡除熱安神然必母氣多熱小兒肥盛者可用清弱者不宜  
用○一古法拭口多有用黃連者不知黃連大寒大苦而小  
兒以胃氣爲主安得初生卽可以苦劣之氣相犯致損胃氣  
則他日變嘔變瀉由此而起矣大非所宜○一古法多用硃  
砂開口者按陳文中曰小兒初生便服硃砂輕粉白蜜黃連  
本欲下胎毒不知此皆傷脾敗陽之藥輕粉下痰損心硃砂  
下涎損神兒膏者服之軟弱弱者服之易傷反致發生諸病



是固不可不察也

護養法三出保嬰提要

巢氏曰小兒初生肌膚未實宜用舊絮護其背不可太煖更宜  
數見風日則血氣剛強肌肉緻密若減於重幃密室或厚衣  
過煖則筋骨軟脆不任風寒多易致病衣服當隨寒熱加減  
但令皆煖爲佳亦勿令出汗恐表虛風邪易傷乳哺亦不宜  
過飽陳氏所謂忍三分寒喫七分飽頭擦肚少洗澡嬰肚煖  
頭涼心胸涼皆至論也又須令乳母預慎六淫七情厚味炙  
燥則乳汁清寧兒不致疾否則陰陽偏勝而氣沸騰乳汁敗  
壞必生諸病若屢用藥餌則臟腑陰損多變敗證可不慎歟



大抵保嬰之法未病則調和乳母既病則審治嬰兒亦必兼治其母為善  
小兒飲食有任意偏好者無不致病所謂爽口味多終作病  
也極宜慎之嘗見王隱君曰余幼時酷嗜甘飴忽自見飴  
中有蚯蚓伸頭而出自此不敢食飴至長始知長生為之此  
可為節戒之妙法

### 初生兒看病法

四

初生兒以手捻其頭摸其頤頤不作聲者為無病總有病以手  
指探其口雖發聲而從容嘔指者其病輕若即發聲不嘔指  
而色或青紅兼紫者此落地受寒之甚也其病重須急辨其  
形色虛實而治之若牙關緊閉不納乳或硬而不軟其病極




重也此驚邪八足太陽經及足陽明經而然須急治之烏可  
初生兒肥胖色嫩日覺好看者此其根本不致甚非佳兆且每復  
亦最易感邪凡邪入腑者近在第一二日見之其證吐乳夜  
啼發與腹鳴皆胎驚之證然猶淺而易治○若邪入八脈者  
遠任六七日見之此疇風變風嘔口風之候其病深而難醫  
若大聲口噤舌大痰壅者不治蓋五六月間病傳心肺脾三  
經也此風氣甚盛而無所洩故形見於喉口牙關聲首也○  
其面額青紫黑色者不治爪甲青黑者不治齒青黑者亦不  
治○凡父母肥者不可生肥兒父母瘦者亦不可生肥兒生  
而肥胖必當以藥飲之使其肥肉堅實面轉微黃之色則吉



不然則凶○生兒怯弱必須以棗扶助之若七日之內肌肉  
頓肥則必病矣過此以往漸肥者不足慮也治肥之法宜清  
痰濕解胎毒預防其風氣亦不可過用峻厲以傷脾胃○又  
當看小兒元氣厚薄厚者十無一失薄者十無一生然其中  
有死者有不死者則以病之所生有真偽也凡怯弱者自專

看小兒壽夭法五

看小兒法以聽聲爲先察色爲次凡聲音清亮者生有回音者  
生澁者病散而無出聲者不壽○忽然大聲而無病者須細  
看其身恐有瘡毒卽須治之○臍帶中無血者生臍帶銀白  
色者生短帶紫脹者於斷帶之後捻去紫血可保無虞○額



皮寬者壽○卵縫通達黑色者壽初生下如水泡之狀者險  
○而轉微黃之色者吉○生下粉曰花色者必主瘡風而難  
○生下皮寬肉瘦五六日頓肥者亦必有瘡風之患○生下  
皮肉不光者死○泣不出聲者死○泣而無淚者死○舌如  
猪肝者死○口角上有紫色如蝦鬚者死○髮粗者生而  
軟不放者死○陰物不起者死○陰囊不收者死白者死亦  
者死○無糞門者死○臀肉不生者死○股肉不生者不壽  
○面無彩色者夭○臍帶短大紫色者夭○生下溼身銀白  
色者夭○生下有齒者大凶致傷父母不然必傷自身○生  
下未裹即撒尿者殺父母蕩家財在世一生勞苦



脈法六

凡小兒形體既具經脈已全所以初脫胞胎便有脈息可辨  
 通評虛實論曰乳子病熱脈懸小者手足溫則生寒則死乳  
 子病風熱喘鳴肩息者脈實大也緩則生急則死此射岐之  
 診小兒未嘗不重在脈亦未嘗不兼證為言也自水鏡訣及  
 全幼心鑑等書乃有三歲以上當察虎口寅卯辰風氣命  
 關之說其中之可取者惟曰脈從寅關起不至卯關者易治  
 若連卯關者難治若寅侵卯卯侵過辰者十不救一只此數  
 語乃於危急之際亦可用辨吉凶至若紫為風紅為傷寒青  
 為驚白為疳及青是四足驚赤是水驚黑是人驚黃是雷驚



之類豈此一線之色果能辨悉如此最屬無稽烏足憑也卽  
今幼科所尙無不以此爲科套全不知脈而信口胡猜試問  
其心果亦有的確之見否茫然無據而欲以人子爲醫試良  
可嘆也故凡診小兒旣其言語不通尤當以脈爲主而參以  
形色聲音則萬無一失矣然小兒之脈非比大人之多端但  
察其強弱緩急四者之脈是卽小兒之肯繁蓋強弱可以見  
虛實緩急可以見邪正四者旣明則無論諸證但隨其病以  
合其脈而參此四者之因則左右逢源所遇皆道矣再加以  
聲色之辨更自的確無疑又何遁情之有此最活最妙之心  
法也若輩以一脈鑿言一病則一病亦能兼諸脈其中真假



疑似未免膠柱實有難於確據者然法不可廢最所當察故  
擇其得理者并附於左亦可以見其槩

錢仲陽曰小兒之脉氣不和則絃急傷食則沉緩虛驚則促急  
風則浮冷則沉細脉亂者不治

薛氏曰凡看脉先定浮沉遲數陰陽冷熱沉遲為陰浮數為陽

浮主風沉遲主虛冷實主有熱紫主癩瀰洪主熱沉緩主

虛瀉微遲有積有蟲遲瀦主胃皖不和沉主乳食難化沉細

主乳食停滯紫絃主腹中熱痛牢實主大便秘沉而數者骨

中有熱絃長是肝肺有風紫數乃驚風為患四肢掣顛浮洪

乃胃口有熱沉緊主腹痛有寒虛濡者有氣又主俱不利三





聲音七

聲由氣發氣實則聲壯氣虛則聲怯故欲察氣之虛實者莫先  
平聲音如內經諸篇有曰言而微終日乃復言者此陰氣也  
○有曰氣海有餘者氣滿胸中喘息面赤氣海不足則氣少  
不足以言○有曰心氣虛則悲實則笑不休○有曰手少陰  
虛則不能言○有曰內奪而厥則爲瘖此腎虛也○靈光  
化曰陽候多語陰證無聲多語者易治無聲者難榮○凡此  
皆聲音虛實之辨故彼聖人者聞聲知情無所不達此聲音  
之學所以不可忽也

顏色八



脉要精微論曰夫精明五色者氣之華也赤欲如白裹朱不欲  
如赭白欲如鷺羽不欲如鹽青欲如蒼璧之澤不欲如藍黃  
欲如羅裏雄黃不欲如黃土黑欲如重漆色不欲如地蒼五  
色精微象見矣其壽不久也

玉版論要篇曰色天而脫不治百日盡已色見上下左右各在  
其要上爲逆下爲從女子右爲逆左爲從男子左爲逆右爲從

五色篇曰官五色奈何曰青黑爲痛黃赤爲熱白爲寒是謂五  
官○又曰以色言病之間甚奈何曰其色麗以明沉天者爲  
甚其色上行者病益甚其色下行如雲徹散者病方已

經脉篇曰凡診絡脉脉色青則寒且痛赤則有熱胃中寒手魚



中醫圖書

之絡多青矣胃中有熱魚際絡赤其暴黑者留久痺也其有  
赤有黑有青者寒熱氣也其青短者少氣也

凡察色之法大都青白者少熱氣病主陰邪黃赤者多熱氣病

主陽盛○青主風氣主肝邪主脾胃虛寒主心腹脹滿主暴

驚傷心膽之氣主驚風當察兼色以分急慢○白主氣虛甚

則氣脫主無火主脾肺不足白兼青者主慢驚主大小腸泄

不○赤主火主痰熱主傷寒熱證主煩渴主急驚躁擾主閉

結主陽邪喘促主癰瘍痘疹○黑屬水主陰寒主厥逆主痛

極沉黑主危篤○黃主積聚主痞塊主脾病主脹滿主脾疝

黃兼白者主脾寒脾弱主氣虛神怯黃兼青者主脾虛泄瀉



主慢脾風黃兼赤者主疳熱○兩額鮮紅或作或止者謂之

面戴陽乃真陰虛弱此非陽證也不得以熱赤同論

錢氏曰左頰為肝右頰為肺額上為心鼻上為脾下

須為醫治之

### 藥餌之誤九

小兒血氣未充而一生盛衰之基全在幼時此飲食之宜調而

藥餌尤當慎也今舉世幼科既不知此大本又無的確明驗

而惟苟完目前故凡遇一病則無論虛實寒熱但用海底塊

法而悉以散風消食清痰降火行滯利水之劑總不出二十

餘味一套混用謬稱穩當何其誕也夫有是病而用是藥則

病受之矣無是病而用是藥則元氣受之矣小兒元氣幾何



能無嗔受其損而變生不測耶此當今幼科之大病而醫之不可輕任者正以此也又見有愛子者因其清黃瘦弱每以爲慮而詢之庸流則不云痰火必云食積動以肥兒丸保和丸之類使之常服不知肥兒丸以苦寒之品最敗元氣保和丸以消耗之物極損胃氣謂其肥兒也而適足以瘦兒謂其保和也而適足以違和耳卽如抱龍丸之類亦不宜輕易屢用余嘗見一富翁之子每多痰氣或時驚叫凡遇疾作輒用此丸一投卽愈彼時以爲神丹如此者不啻十餘次及其長也則一無所知凝然一癡物而已豈非暗損元神所致耶凡此尅伐之劑所以最當慎用故必有真正火證有熱乃宜肥



兒丸及寒涼等劑真正食積脹滿乃宜保和丸及消導等劑  
真正痰火喘急乃宜抱龍丸及化痰等劑即用此者亦不  
中病即止非可過也若無此實邪可據而諸見出入之病則  
多出虧損元氣悉當加意培補方是保赤之主倘不知此而  
徒以肥兒保和等名乃欲藉為保障不知小兒之元氣無多  
病已傷之而醫復伐之其有不萎敗者鮮矣此外如大黃  
礞石五芫花大戟三稜蓬朮之類若非不得已者不可輕  
易投也

### 小兒診治大法十

凡小兒之病本不易察但其為病之源多有所因故凡臨證者  
必須察父母先天之氣而母氣為尤切如母多火者子必有




火病母多寒者子必有寒病母之脾腎不足者子亦如之凡骨軟行遲齒遲語遲顛門開大疳熱脾泄之類多有由於母氣者雖父母之氣俱有所稟但母氣之應在近父氣之應在遠或以一強一弱而偏得一人之氣者是皆不可不察也若稍長而縱口縱欲或調攝失宜而自爲病者此又當察其所由辨而治之如果先天不足而培以後天亦可致壽雖曰先天俱盛而或父母多慾或撫養失宜則病變百端雖強亦天此中幾圓理微貴在知常知變也

撮口臍風十一

初生小兒撮口臍風者因胎中受熱或初生不慎爲風寒所侵

遂至聚唇撮口眼閉口噤喘聲如鴉或聲不能出或舌吐如  
 粟或口吐白沫或喉痰潮響或氣息喘急甚者舌強面青腹  
 脹青筋吊腸壅痛百日內病甚者多不治○臍風者以斷臍  
 之後為水濕風邪所侵因致腹脹臍腫四肢柔直啼不以乳  
 甚則發搐若臍邊青黑手拳口噤者是為內搐不可治○凡  
 治此之法痰盛者當先治痰火盛者當先清火若無火無痰  
 者專當溫補脾胃○凡二臍不盈尺多患此者齒齦有泡如  
 粟以綿帛指蘸溫水擦破口即開不用藥七日內患此者百  
 無一生○臍風果因浴拭外傷皮膚者用綿灰或枯禁未搽  
 之即愈○若因剪臍短少或因束縛不緊或因牽動風入臍





未蜜調塗口內

中或因鐵器斷臍氣傳於脾絡以致前證者口內有小泡  
急招破去其毒水以艾炙臍中亦有得生者治法多端無從  
灸法○若因乳母肝脾鬱怒或飲食生冷辛熱致傷脾者  
錢氏云撮口因浴後拭臍風邪所入而作用益黃散補之  
陳無擇云視其牙齦有泡擦破之口既閉用真白殭蚕略烘爲

保嬰集云小兒百日臍風馬牙當作胎毒瀉足陽明之火用鐵  
挑破以桑樹白汁塗之

田氏治噤風用天南星爲末加片腦少許以指蘸薑汁擦牙齦  
立開○或用牛黃以竹瀝調服一字隨以猪乳滴於口中

驚風十二

驚風之要領有二一曰實證一曰虛證而蓋之矣蓋急驚者陽證也實證也乃肝邪有餘而風生熱熱生痰痰熱於心膈間則風火相搏故其形證急暴而痰火壯熱者是為急驚此當先治其標後治其本慢驚者陰證也虛證也此脾肺俱虛肝邪無制因而侮脾生風無陽之證也故其形氣病氣俱不足者是為慢驚此當專顧脾腎以救元氣雖二者俱名驚風而虛實之有不同所以急慢之名亦異凡治此者不可不顧其名以思其義

論驚風證治十三



小兒驚風肝病也亦脾腎心肺病也蓋小兒之真陰未足柔不  
濟剛故肝邪易動肝邪動則木能生火火能生風風熱相搏  
則血虛血虛則筋急筋急則為掉眩反張搐搦強直之類皆  
肝木之本病也至其相移木邪侮土則脾病而為痰為吐瀉  
木盛金衰則肺病而為喘促為短氣木火土炎則心疔而為  
驚叫為煩熱木火傷陰則腎病而為水瀉為血燥為乾渴為  
汗不出為搐為空此五臟驚風之大槩也治此之法有要存  
焉蓋一日風二日火三日痰四日陽虛五日陰虛但能察此  
緩急則盡之矣所謂風者以其強直掉眩皆屬肝木風木同  
氣故云驚風而實非外感之證今人不明此義但能治風必



須用散不知外來之風可散而通燥之風不可散也故凡如  
 防風荆芥羌活獨活細辛乾葛柴胡紫蘇薄荷之類使果有  
 外邪發熱無汗等證乃可暫用如無外邪則最所宜忌此用  
 散之不可不慎也所謂痰火者痰凝則氣閉火盛則時瀉此  
 實邪之病本也若痰因火動則治火為先火以痰消則去痰  
 為主火之甚者宜龍膽草山梔石膏連黃栢石膏大黃之屬  
 火之微者宜黃芩知母玄參石斛地骨皮木通天麻之屬痰  
 之甚者宜牛黃膽星天竺黃常星牛夏白芥子之屬痰之微  
 者宜陳皮前胡海石貝母天花粉之屬此外如硃砂之色赤  
 龍薑故能入心鎮驚內孕水銀故善透經絡墜痰降火雄黃



之氣味雄悍故能破結開滯直達壅行水片射香乃開竅之  
要藥琥珀青黛亦清利之佐助而已又如蠶蚕全蝎蜈蚣之  
屬皆云治風在蠶蚕味鹹而辛大能開痰涎破結氣用佐痰  
藥善去肝脾之邪邪去則肝平是卽治風之謂也全蝎生於  
東北色青屬木故善走厥陰加以鹽味鹹而降痰是亦同氣  
之屬故云治風較之蠶蚕此其次矣蜈蚣性味俱溽不過散  
其清虛輕蛻之義非有寬澇不足恃也凡驚風之實邪惟痰  
火爲最而風則次之實治之法止於是矣然邪實者易制主  
敗者必危蓋陽虛則陰邪不散而元氣不復陰虛則營氣不  
行而精血何來所以驚風之重重在虛證不虛不重不竭不

危此元精元氣相為並立有不容偏量者也故治虛之法當  
 辨陰陽陽虛者宜燥宜剛陰虛者宜溫宜潤然善用陽者氣  
 中自有水善用陰者水中自有氣造化相須之妙既有不可  
 混又有不可離者如此設有謂此非小兒之藥此非驚風之  
 藥者豈驚風之病不屬陰陽而小兒之體不田血氣乎若夫  
 人者開口便可見心又烏足與論乾坤合一之道諸補之法具詳如左

一驚風反張強直轉筋等病在經筋篇曰足少陰之筋病足下  
 轉筋及所過而結者皆癘病在此者主癘癉及瘕在外者不  
 能俛在內者不能仰故陽病者轉反折不能俛陰病者不能  
 仰○又曰經筋之病寒則反折筋急熱則筋弛縱不收陰痿

不用陽意則反折陰急則俛不伸

急驚風 十四

急驚之候壯熱痰壅氣視反張搐搦顫動牙關緊急口中氣熱

頰赤唇紅飲冷便結脈浮洪數此肝邪風熱陽盛陰虛證也

治此之注當察緩急凡邪盛者不得不先治其標

喘急者宜抱龍丸琥珀散清腦前梅花飲之類主之

而煩熱者宜涼驚丸抑青丸或黃連安神丸牛黃散及山梔

黃連龍膽草之屬○火盛燥熱而大便秘結者宜瀉青丸或

以為湯煎服之或利驚丸亦可○若外感風寒身熱為驚者

當解其表宜抑肝散倍加柴胡或參蘇飲五積散是蘇散之



類擇而用之○若表邪未解而內亦熱者宜錢氏黃龍湯○  
若驚氣漸退而火未清者宜安神鎮驚丸○凡以上者其治  
則治標之法但當察火稍退即當調補血氣如後陳氏之  
法或參用慢驚諸治以防虛敗此幼科最要之法而亦有云  
小兒易為虛實攻伐之藥中病即止不可過劑誠至言也○  
大抵此證多屬肝膽脾腎陰虛血燥風火相搏而然若不顧  
其陰過用祛風化痰之藥則脾益虛血益燥邪氣綿延必成  
慢驚矣此中陰虛之義皆人所不知當閱小兒神腎論如見  
其詳論載第二卷二五

東坦曰急驚者風木旺也風木屬肝肝邪盛必傳於脾欲治



其肝當先實脾後瀉風木

婁全善曰急驚屬木火土實木實則搐而有方及目上視動刺

頻眩土實則身熱面赤而不吐瀉偃睡合睛治法宜瀉宜瀉

而用涼驚利驚等丸亦有因驚而發者以致牙關緊急壯熱

等證此內有實熱外挾風邪當截風定搐若痰熱尚盛宜微

下之痰熱既泄急宜調養胃氣搐定而痰熱少退即宜調補

薛氏曰此肝經血虛火動生風蓋風生則陰血愈散陰火愈熾


火動則肺金愈虧肝邪愈盛宜滋肝血養脾氣者屢服祛風

化痰瀉火辛散之剋便宜認作脾虛血損急補脾土○若風

火相搏發熱抽搐目矇筋壅痰盛者用四物鈎藤鈎以生肝

血清肝火用四君子加當歸以補脾土生肺金○若肝經血燥發熱驚搐目瞤筋掣痰盛者用六味丸以滋腎水四君子加芍藥以補脾土○若肺金尅肝木用地黃丸以益肝血加芍藥木香以平肺金○若屢用驚藥而脾胃虛寒者須用六君子湯以補脾土丁香木香以培陽氣○若脾土虛寒腎水反來侮土而致中寒腹痛吐瀉少食等證者用益黃散以補脾土而瀉水熱幾不致慢驚矣○但治小兒當審察虛實凡證屬有餘者病氣也不足者元氣也故有餘當認爲不足思慮預防斯少矣

慢驚風 十五



慢驚之候多出吐瀉因致氣微爲絞昏睡露睛痰鳴氣促驚跳  
抽掣或乍發乍靜或身涼身熱或肢體逆冷或眉唇青赤面  
色淡白但其脉遲緩或見細數此脾虛生風無陽證也○小  
兒驚風之病多因病後或以吐瀉或因誤用藥餌而傷脾胃  
所致然亦有小兒脾胃素弱或受風寒則不必病後及誤藥  
者亦有之總屬脾腎虛寒之證○治慢驚之法但當迎培元  
氣卽有風度之類皆非實邪不得妄行消散再傷陽氣則必  
致不救○凡脾土微虛微瀉而內不寒者可平補之宜六神  
散四君子湯或五味異功散○脾腎俱虛而臟平無寒者宜  
五福飲且陰血生於脾土又宜四君子加當歸棗仁○脾氣

陽虛微寒者宜溫胃飲理中湯五君子煎○脾氣虛寒多痰者宜六君子湯或金水六君煎○脾腎陰陽俱虛而寒者應理陰煎為最妙○脾腎虛寒之甚或直瀉不止者宜附子理陰煎再甚者宜六味回陽飲或四味回陽飲量臍大小與之○脾腎虛寒泄瀉不止者宜胃關煎

薛氏曰保嬰集云急驚屢發屢用攻瀉則脾損陰消而變為慢驚者多矣當補脾養血佐以安心清肺制木之藥最為切當竊謂前證多因脾胃虧損肝本所勝外虛熱而內真寒也但用五味異功散加當歸佐以釣藤飲以補脾土平脾木亦多得效如不應六君加炮薑木香溫補脾土更不應急加附



子以回陽若用逐風驅痰之藥反促其危也○愚按附子溫  
中回陽為慢驚之聖藥也如元氣未脫用之無有不效之執  
甚者急宜炮用之

保嬰撮要曰凡元氣虧損而至昏憒者急灸百會穴若待下痰  
不愈而後灸之則元氣脫散而不救矣此乃臟腑傳變已極  
總歸虛處惟脾受之無風可逐無驚可療因脾虛不能攝涎  
故津液妄泛而似痰者但當以溫補脾胃為王若不審其因  
泛用祛風化痰之劑則脾氣益傷陰血益損病邪益甚而危  
巢全善曰木虛則搖而無力火虛則身寒口中氣冷土虛則吐  
瀉睡而露睛治宜溫補脾胃用六君子湯五味異功散之類



大驚卒恐 十六

小兒忽被大驚甚傷心膽之氣口問篇曰大驚卒恐則氣血分  
離陰陽破散經絡厥絕脉道不通陰陽相逆經脉空虛血氣  
不次乃失其常此四經既言受驚之病有如此矧小兒血氣  
尤非大人之比若受大驚則其神氣失散濁亂不堪尙何貴  
邪之有斯時也收復正氣猶恐不暇韻可復爲清散耶卽如  
硃砂琥珀之類不過取其鎮重之意亦非救本之法今幼科  
諸書皆以大驚之證刻作急驚論治誤亦甚矣不知急驚慢  
驚一以風熱一以脾胃之虛皆不必由驚而得而此以驚恐  
致困者水心暗受傷神氣嗟離之病所因不同所病亦異可

可以同日語也

治大驚氣散之病當以收復神氣為主宜秘旨安神丸七福  
飲茯神湯團參散獨參湯之類加金銀等物煎服之

驚啼十七

小兒驚啼證本與驚風不同亦與大驚卒恐者有異蓋小兒肝  
氣未充膽氣最怯凡耳聞驟聲目視驟色雖非大驚卒恐亦  
能怖其神魂醒時受怖寐則驚惕或振動不寧或忽爾啼叫  
皆神怯不安之證總宜安神養氣為主如獨參湯團參散七  
福飲秘旨安神丸之類皆其所宜○若微煩熱者宜生脉散  
熱甚者宜硃砂安神丸或導赤散○驚哭多淚忽啼忽止者



是驚惕啼叫無淚聲長不揚者是腹痛

發搐 十八

搐抽搐也是即驚風之屬但暴而甚者謂之驚風微而緩者謂之發搐發搐不治則漸成驚風矣雖錢氏等書皆以時候之氣分五臟之證爲論治然病變不測有難以時氣拘者是不若察見在之形證因臟腑之虛實隨宜施治者之爲得也總之小兒之實證無他惟東方之實及中央之滯耳蓋東方木實則生火生風而爲熱爲驚中央土實則生濕生滯而爲痰爲積知斯二者則知所以治實矣○若小兒之虛證則五臟皆有之如心虛則驚惕不安肺虛則氣促多汗脾虛則爲嘔





匹爲暴泄爲不食爲痞滿倦臥爲牙駁流涎爲手足牽勳肝  
虛則爲筋急血燥爲抽搐勁強爲斜視目瞪腎虛則爲二便  
不禁爲津液枯槁爲聲不出爲戴眼爲肢體厥逆爲火不歸  
源知此五者則知所以治虛矣○然此虛實之證固亦多有  
疑似者但以形色聲音脈息參而察之則無有不煥然者諸  
治實之法當從急驚治虛之法當從慢驚及如後夜啼驚治  
法已盡其蘊當并察之總之諸言實者乃邪氣之實非元氣  
之實也故治此者切不可傷及元氣若病已久尤當顧脾  
腎則根本完固諸無不愈矣

錢仲陽曰驚癇發搐男左視無聲右視有聲女右視無聲左視

有聲此相勝也蓋左為肝部右為肺部金木相勝故耳○若

握拳拇指在內女為順拇指在外男為順順則易治逆則

薛氏曰寅卯辰時搐而發熱作渴飲冷便結屬肝膽經虛熱用

柴芍參苓散作渴引飲自汗盜汗屬肝胆經血虛用地黃丸

口吻流涎屬肝木尅脾土用六君子湯○巳午未時發搐若

兼作渴飲水屬風火相搏以地黃丸補肝導赤散涼驚丸治

心若作渴飲湯體倦不乳土虛而木王也用地黃丸以補腎

六君子湯以補脾○申酉戌時微搐而喘目微斜身似熱睡

而露睛大便淡黃屬脾肺虛熱用異功散若手足逆冷或喘

瀉不食屬脾肺虛寒用六君炮薑木香久病而元氣虛者用



六君子六味九二藥主之○亥子丑時微搐身熱目睛斜  
 吐瀉不乳厥冷多睡屬寒水侮土用益黃散未應用六君子  
 桂○傷風發搐口中氣熱前欠手足動者名假搐用益黃散  
 發散風邪○傷風發搐口氣不熱肢體倦怠用益黃散補脾  
 士鈞藤飲清肝木○若因風邪內鬱發熱而變搐者用  
 肺金清風邪○若外邪既解而內證未除當理肺補脾○若  
 停食發搐嘔吐乳食者宜用消食丸○若傷食後發搐身熱  
 困睡嘔吐不思乳食者當先定搐後用白餅子下之○若食  
 既散而前證仍作或變他證者脾土傷而肝木乘之也用六  
 君子加鈞藤鈞以健脾平肝○若肺經虧損而致驚搐等證



者當補脾肺以平肝心則驚搐自止矣○如手足令汗搐眉  
搐肚日夜不止名真搐當用人參湯川烏全蝎等藥平其胃  
氣○百日内發搐真者内生風二三次必死假者外生風雖  
頻發不死○百日内搐亦有因乳母七情厚味所致者當  
治其母而以固胃為先不可逕治其兒也○若涎人心脾則  
不能言用涼心鎮驚下痰之藥逆搐者不治○若吐瀉發  
證者亦不治○大凡發搐因風者則面青目赤因驚則叫呼  
搐搦因食則嘔吐氣悶脾肺虛則生粘痰喉間作鋸聲此乃  
心火不能生脾土脾土不能生肺金以致肺不能主氣脾不  
能攝涎故涎氣之上而喉中作聲耳若用祛風治痰之劑則



氣散陰道而促其危矣

夜啼十九

小兒夜啼不安按保服經書云夜啼有二曰脾寒曰心熱也夜  
屬陰陰勝則脾臟之寒愈盛脾為至陰喜溫而惡寒寒則腹  
中作席夜曰腰而啼其候面青手腹俱冷不思乳食是也亦  
曰胎寒宜釣藤飲寒甚者理中丸○若曲腰啼叫哭而無淚  
者多係腹痛宜木香散或用溫胃飲加木香○若脾腎寒甚  
而兼帶焦痛者宜陳氏十二味異功散○若過用乳食停滯  
作痛邪或無虛而啼者宜保和丸和胃飲加減主之甚者宜  
消食丸○若陰盛陽衰心氣不足至夜則神不安而啼叫



者宜四君子湯五味異功散或七福飲祕旨安神丸○若面  
青手冷陽氣虛寒心神驚怯而啼者宜五君子煎或六味異  
功煎甚者宜七福飲加炮乾薑肉桂○若兼泄瀉不乳脾胃  
虛弱也宜六神散甚者養中煎胃關煎○若兼吐瀉傷食脾  
胃虛寒也宜五君子煎溫胃飲或六味異功煎加炮木香○  
若大便不化食少腹脹脾氣虛弱也宜五味異功散或五君  
子煎加木香○若面色自黑睛少至夜分陰中陽虛而啼者  
此肝腎之不足也宜六味丸八味丸理陰煎○若見燈見火  
愈啼者心熱也心脾火見火則燈熱内生兩陽相搏故仰身  
面啼其燈向赤手腹俱煖口中氣熱是也火之微者宜生脉

散導赤散火之甚者宜硃砂安神丸人參黃連散○若肝胆  
 熱甚木火相搏者宜柴胡清肝散○大都此證或因吐瀉內  
 亾津液或稟賦腎陰不足不能滋養用木或乳母素怒肝火  
 侮金常用六君子湯補脾土以生肺金地黃丸壯腎水以滋  
 肝木若乳母鬱悶而致者用加味歸脾湯乳母暴怒者加味  
 小柴胡湯乳母心肝熱搏者柴胡清肝散○若因驚夜啼者  
 宜從前驚啼論治

發熱二十

小兒發熱證其最要者有四一則外感發熱二則瘧毒發熱二  
 則痘疹發熱四則疳積發熱凡此四者之外如飲食驚風陰

虛變蒸之類雖亦有之然各有其說內當詳辨

一發熱當辨虛實如實則面赤氣粗口燥唇瘡作渴喜冷飲水

大小便難或欬或露體煩啼暴吐聲洪脈強伸體而臥睡不

露睛手足指熱皆為實證實以邪氣有餘或可散邪或宜清

火○虛則面色蒼白氣快神倦恍惚軟弱口鼻微冷

涼飲湯安靜泄瀉多尿嘔惡驚惕上盛下泄抱胞喜按

乍溫夜則虛汗卧則露睛屈體而卧手足指冷脈息緩弱皆

為虛證虛以正氣不足最宜調補或兼解邪雖有發熱外證

必不可妄用寒涼及任意消散劫伐等劑

外感發熱治法二十一





凡小兒無故發熱多由外感風寒若寒邪在表未解者必有發熱頭痛或身痛無汗或鼻塞流涕畏寒拘急脈見緊數者是也○凡暴感者極易解散一汗可愈但察其氣血平和別無實執等證或但倦怠昏睡者則但以四柴胡飲或五柴胡飲爲主酌兒大小而增減其劑此法先固其中次解其表庶元氣無傷而邪且易散最爲穩當極妙之法有云小兒何處爲堪此補及又有補住邪氣之說皆寸光昧理之談不可信也○若胃氣微見虛寒者宜五君子煎加柴胡或以理陰煎加減用之最妙○元氣頭強而能食者宜正柴胡飲○兼內熱火盛而外邪未解者宜一柴胡飲或錢氏黃龍湯○壯熱火

盛往來寒熱者宜柴芩煎○寒氣盛者宜二柴胡飲○寒邪  
盛而由氣微虛者宜五積散○傷寒見風身熱兼嗽而中氣  
不虛者宜柴陳煎若中氣不足而兼熱兼嗽者宜金水六君  
煎○冬受寒邪至春夏而發熱者是爲小兒正傷寒須取效  
稍遲然治法不能外此

新按 余之仲兒生於乙卯五月於本年初秋忽爾感寒發熱  
脈微緊然素知其臟氣屬陰不敢清解遂與芎蘇羌芷細辛  
生薑之屬薑散其寒一劑下咽不惟熱不退而反大瀉作連  
二日瀉不止而喘繼之愈瀉則愈微斯時也將謂其寒氣盛  
耶何以用溫藥而反瀉將謂其火刑金耶豈以清瀉連日而



向堪寒涼將謂其表邪之未除耶則何以不利於蘇散束手  
無策疑已甚且見其未裹俱劇大喘垂危又豈淺易之  
所能挽回因沉思良久漸有所得乃用人參一錢生薑五分  
煎汁坐盞然未敢驟進恐再加喘必致不救因用茶匙挑與  
二三匙卽懷之而旋走室中徐察其呼吸之進退以喘雖未  
滅而亦不見其增甚乃又與三四匙少頃則覺其鼻息似平  
少舒遂放胆與以半小鍾更覺有應自午及酉完此一劑適  
一醫至急呼曰誤矣誤矣焉有大喘加此而尙可用參者速  
且以抱龍丸解之余諾之而不聽乃復以人參三錢五分如  
前煎湯自酉至子盡其劑劑完而氣息遂平齧齧大睡瀉亦

止而熱亦退矣此所以知其然者觀其因瀉反喘豈非中虛  
 設有實邪自當喘隨瀉減是可辨也向使誤聽彼醫身以  
 利中氣一脫即當置之死地必仍咎余之誤用藥也孰是孰  
 非何從辨哉余因紀此以見溫中散寒之功其妙有如此者

外感發熱弗藥可愈一十二

凡小兒偶然發熱者卒由寒熱不調表被單薄柔弱肌腠最易  
 相感感則熱矣余之治此不必用藥但於其熱時之頃夏以  
 單被冬以綿被蒙頭蓋勿塞其鼻但以稍煖為度使其鼻  
 息出入皆此煖氣少頃則微汗津津務令上上稍透則表裏  
 通達而熱自退矣若冬月衣被寒涼汗不易出則輕攬着身



赤體相貼而土覆其面則無有不汗出矣此余近年養兒至妙之法百發百中者也若寒邪甚者兩三微汗之無有不愈然此法惟行於寅卯之際則汗易出而效尤速

諸熱辨證二十三

一 小兒發熱若熱隨汗退者即外感證也○其有取汗至再而熱不退者必癰毒痘疹之候俟其形見嘗於木門求法治之○若是瘡毒但當辨其陰證陽證宜清火解毒陰證宜托裏助陽方治詳具外科○若汗出熱不退別無癰腫而耳後紅筋燦然及眼如包淚或手指尖冷脈緊數者必是痘疹方治詳具痘疹門



一 小兒飲食內傷本無發熱之證蓋飲食傷臟則爲脹爲痛爲  
吐爲瀉本非肌表之病焉得發熱故調經論曰邪之生於陽  
者得之風雨寒暑生於陰者得之飲食居處陰陽喜怒此自  
不易之理也今人但見小兒發熱則多言傷食而妄行消導  
謬亦甚矣○其或飲食內傷風寒外感表裏兼病而發熱者  
亦常有之然此當察其食之有停無停酌而治之亦非可操  
行消耗蓋恐內本無滯而妄加剋伐則虧損中氣以致外邪  
難解則病必滋甚

一 小兒疳積發熱此誠飲食內傷所致然必成痞成疳陽明鬱  
積既久所以內外俱熱是非暴傷飲食者之比亦非肌表發

熱者之此方治詳其疴積條

一 小兒有陰虛發熱之證及變蒸發熱之說凡陰虛發熱者此

即小兒勞損證也亦名爲童子勞此當於虛損門

○至若變蒸之說則辨在本條并當詳察

錢仲陽曰潮熱者時發時退來日依時而發此欲發

驚也○壯熱者常熱不已甚則發驚癇也○風熱者身熱而

口中氣熱乃風邪外感也○溫熱者肢體微熱熱不已則發

驚搐○壯熱惡風寒爲元氣不充表之虛熱也○壯熱不惡

風寒爲外邪所客表之實熱也○壯熱飲湯爲津液短少裏

之虛熱也○壯熱飲水爲內火銷鑠裏之實熱也○脈尺寸



俱滿為重實。○尺寸俱弱為重虛。○脈洪大或緩而滑或數而鼓此熱盛拒陰雖形證似寒實非寒也。○熱而脈數按之不鼓此寒盛格陽雖形證似熱實非熱也。○發熱惡熱大渴不止煩躁肌熱不欲近衣其脈洪大按之無力或兼目痛鼻乾者此血虛發熱也當補其血。○如不能食而熱自汗出者氣虛也當補其氣。

內熱證二十四

內熱與外熱不同。內熱以五內之火熱出內生病在陰分故內熱者宜清涼不宜升散升散則內火愈熾火空則發也。外熱以膚腠之邪風寒外襲病在陽分故外熱者宜解散不宜湯。





降清降則表熱愈留外內合邪也此外熱內熱之治其不同者有如此欲分內外之辨則外熱者其至必驟內熱者其來必緩但察其絕無表證而熱在臟腑七竅三焦二陰筋骨肌肉之間者皆是內熱之證但內熱之證亦有虛實者宜從正治虛者當從反治反正之間有冰炭之異非可混也

凡實熱之在內者古法治分五臟宜從正治○心熱者宜瀉心

湯瀉赤散安神丸○肝熱者瀉青丸柴胡飲子龍胆湯○脾

熱者瀉黃散○肺熱者輕則瀉白散地骨皮散重則涼膈散

○腎熱者滋腎丸滋陰八味丸實熱則宜疎下虛熱則宜調

補○肢體執重則惺惺散重則人參羌活散○大便秘者二



黃犀角散四順清涼飲○餘熱不退者地骨皮散○大小便  
血者保陰煎○血熱妄行者清化飲○三焦火盛上下熱甚  
者抽薪飲○小水熱痛者大分清飲○陽明內熱煩渴頭痛  
二便秘結者玉泉散○陽明火盛兼少陰水虧者玉女煎  
凡元氣虛而爲熱者必真陰不足皆假熱證也宜從反治○  
心脾肺氣虛假熱者五君子煎人參理中湯○五臟氣血俱  
虛假熱者五福飲○肝腎真陰不足假熱者輕則六味地黃  
湯甚則理陰煎○肝腎血虛假熱者大營煎五物煎○肝腎  
陰虛上熱下寒則陽無所附而格陽爲熱者六味回陽飲或  
八味地黃湯○肝經血虛生風而熱者四物加天麻釣藤鉤

○汗後血虛而熱甚者六神散加粳米○汗後氣虛而惡寒發熱者補中益氣湯○汗後陰虛陽無所附而熱者四物湯加參芪○汗後陽虛陰無所附而熱者四君子加芩歸○久從溫補而潮熱不退脈見滑大者五福飲加地骨皮或加知母○凡嬰兒諸熱有因別證而作者當從所重者而治之若乳下嬰兒當兼治其母以調之

小兒上論列方二十五

四君子湯補一

五君子煎新熱六

五味異功散補四

六君子湯補五

圍參散小十

六味異功煎新熱七

四物湯補八

五物煎新因三

金水六君煎新和一

五福飲新補六

理中湯熱一

人參理中湯熱一

七福飲新神七

溫胃飲新熱五

四味回陽飲新熱一

胃關煎新熱九

理陰煎新熱三

六味回陽飲新熱二

獨參湯補三六

生脉散補五七

六味地黃丸補一二一

養中煎新熱四

茯神湯小六十四

八味地黃丸補一二三

大營煎新補十四

滋腎丸寒一六三



南京中醫藥大學圖書館藏書

滋陰八味丸 新寒十七

保陰煎 新寒

清化飲 新四十三

補中益氣湯 補三三

益黃散 和十九

六神散 小五

加味歸脾湯 補三四

小柴胡湯 散十九

柴胡飲子 小三十

柴胡清肝散 寒五九

一柴胡飲 新散一

二柴胡飲 新散二

人參黃連散 小十七

四柴胡飲 新散四

五柴胡飲 新散五

二黃犀角散 小二九

正柴胡飲 新散六

柴苓煎 新散十

錢氏黃龍湯 小二五

柴陳煎 新散九



五積散 散三九

四順清涼飲 攻二五

星蘇散 小二四

參蘇飲 散三四

硃砂安神丸 寒一四二

惺惺散 小二三

釣藤飲 小六六

黃連安神丸 寒一四二

瀉白散 寒四二

瀉黃散 寒五七

秘旨安神丸 小七一

瀉心湯 寒二七

抑肝散 小六七

安神鎮驚丸 小七六

瀉青丸 寒一五一

抑青丸 小九八

東垣涼膈散 疽八三

抽薪飲 新寒三

新膽湯 小八一

大分清飲 新寒五



南京中醫藥大學圖書館藏書

玉泉散 新寒十五

玉女煎 新寒十二

地骨皮散 小三二

蕪赤散 寒一二二

大青膏 小六八

消食丸 小三七

清膈煎 新寒九

和胃飲 新和五

利驚丸 小九七

涼驚丸 小九六

抱龍丸 小八五

琥珀散 小八一

牛黃散 小二七

梅花飲 小八三

白餅子 小三九

肥兒丸 小百十一

保和丸 小三五

木香散 痘二一

陳氏十二味異功散 痘二二

人參羌活散 小二六



南京中醫藥大學圖書館藏

備用方

具列小兒方中所當詳閱

景岳全書卷之四十終



南京中醫藥大學圖書館版權所有



# 小兒則下

吐瀉二十六

小兒吐瀉證虛寒者居其八九實執者十中一二但察其脉證  
 無火面色清白氣息平緩肢體清涼或神氣疲倦則悉是濕  
 寒之證不得妄用涼藥古人云脾虛則嘔胃虛則吐者是也  
 蓋飲食入胃不能運化而吐者此脾氣虛弱所以不能運也

會倍 張介賓 會卿者

古吳 潘 栢朝生氏



南京中醫藥大學圖書館藏書


寒涼入胃惡心而吐者此中焦陽氣受傷所以不能化也若邪在中焦則止於嘔吐若連及下焦則并爲瀉矣故在中焦者宜治脾胃連及下焦者宜調脾胃若非實熱大邪而妄用寒涼消伐者無者不死

一 小兒虛寒嘔吐凡無故吐瀉察其無火者必生冷寒氣傷胃所致今小兒所病大約皆是此證宜養中煎或溫胃飲爲主  
治其次則五君子煎理中湯冬木煎○若兼血虛燥渴者宜五君子加當歸○若兼脾胃虛寒或多痰涎或兼喘促宜理陰煎甚者人參附子理陰煎爲最妙勿謂嘔吐不宜動地也  
○若脾氣無寒或偶有所觸雖吐而不甚者宜五味異功散



○若脾中寒滯氣有不順而嘔吐者宜藿香安胃散○若上  
焦不清多痰兼滯者宜六君子湯或更加砂仁炮薑木香  
小兒傷食嘔吐若誤食不宜之物或得積滯濁以致吐者必  
胸膈脹滿或肚腹作痛此其中必有餘邪宜和胃散益黃散  
○若但有食滯而胃不寒者宜太和中飲小和中飲○若食  
滯兼痰而吐者宜二陳湯六安煎芩朮二陳煎○若飲  
滯而因脾虛不能運化者此其所重在脾氣不在飲食止宜  
養中煎溫胃飲或理陰煎聖木煎之類以培其本不可因飲  
食之故而直行消伐也

小兒胃熱嘔吐者其證最小蓋內熱者多不致吐即亦有之



其必多食炙煇甘甜之物以致滯積胃口或夏間冒暑及臟  
氣素熱者乃有之凡治熱證必須詳辨的確勿得以假熱  
值熱也○凡胃火內熱嘔吐者察其證必煩熱作渴喜冷察  
其脉息必洪大滑數火之甚者宜瀉黃散玉泉散或竹葉石  
膏湯○若有痰食之滯兼火作吐者宜二陳湯加石膏黃連  
山梔或加山查麥芽之類○若脾胃虛弱而兼火者宜入  
安胃散或橘皮竹茹湯○若胃火嘔吐作渴者宜竹茹湯○  
若夏月胃熱陽暑傷胃者必煩熱大渴吐瀉並作宜五味香  
薷飲或十味香薷飲或竹茹湯或橘皮竹茹湯若內熱之甚  
者宜益元散玉泉散王之然暑有陰陽之辨若因天氣暑熱



過用生冷以致傷胃而為吐瀉者此屬陰暑比宜煖胃和中如前虛寒治法或用五苓散亦妙凡本條之藥絕不可用

薛氏曰凡暑令吐瀉手足發熱作也飲冷者屬陽證宜用涼之

劑若手足並冷作渴飲湯者屬陰證宜用禪之劑或病有虛

陰者誤用寒涼之藥死後手足青黯是則遍身皆然於此可

一小兒吐瀉并作者本屬內傷然有因寒氣自外而入內犯臟

氣而然者有因生冷不慎致傷胃氣而然者有因中氣木弱

飲食失宜而然者邪傷陽分則為吐耶傷陰分則為瀉若吐

瀉並作則陰陽俱傷之證也此當察其有滯無滯詳辨其虛

實而治之○若吐瀉初起邪滯未清者必有胸膈脹悶實滯



等證此宜先用和胃飲苓朮二陳煎之類以清上焦之氣○

若吐瀉初起腹脹腹痛而拒按者宜先用胃苓湯或五苓散

加乾薑木香之類以分下焦之清○若上無脹滯或所吐既

多而嘔惡不已此其上焦豈尚有物但察其形氣因微總惟

胃虛而然若虛寒不甚者宜五味異功散然無寒不作吐故

惟五君子煎六味異功煎養中煎溫胃飲之類皆最宜也

○若下腹雖痛而可按可揉或腹寒喜慰或所瀉既多而泄

仍不止此其下焦必空虛已極惟脾腎虛寒不能固攝而然

非胃關煎不可其稍輕者或用四君子加肉豆蔻補骨脂丁

香之屬若虛中兼滯者或助胃膏亦可酌用○其或果由胃



火則火逆於上熱蓄於下亦能為吐為瀉然必有火證火脈者方是其證乃宜大小分清飲或用香連九或如前胃熱嘔吐條參而治之然此證最少不得輕易混用

吐瀉新按

余季子於丁巳正月生於燕邸及白露時甫及半週余見新涼

日至虞裊禱之薄恐為寒氣所侵每切囑眷屬保護之而眷屬不以為意及數日後果至吐瀉大作余即用溫胃和脾之藥不效隨用理中等劑亦不效三日後加入參三錢及薑桂吳茱肉豆蔻之類亦不效至四五日則隨乳隨吐吐其半而瀉其半腹中毫無所留矣余不得已乃用人參五六錢製附



子薑桂等各一二錢下咽卽吐一滴不存而所下之乳刺自  
潔無氣仍猶乳也斯時也其形氣之危已萬無生理矣余  
決靜坐書室默測其故且度其寒氣犯胃而吐瀉不止有  
參茸桂附之屬尙何術焉伎已止此窘莫甚矣思之思之  
於夜半而生意起謂其胃虛已極但藥之氣味略有不投則  
胃不能受隨拒而出矧附子味鹹亦能致嘔必其故也  
度氣味酌其所宜似必得甘辣可口之藥庶乎胃氣可安尙  
有生意乃用胡椒三錢搗碎加煨薑一兩用水二鍾煎至八  
分另盛聽用又用人參二兩亦用水二鍾煎至一鍾另盛聽  
用用此二者取其氣味之甘辛純正也乃用茶匙挑合二者





以配其味凡用參湯之十加椒薑湯之一其味微甘而辣正  
得可口之宜遂溫置熱湯中徐徐塊而與之陸續漸進經  
時許皆咽而不吐竟得儀效自後乳藥皆安但瀉仍未止也  
此白四散後起至午未間已盡二兩之參矣參盡之後爾躁  
擾伸吟煩劇之甚家人皆怨謂以嬰兒嬌嫩臟腑何堪此等  
熱藥是必燒斷肚腸也相與抱泣余雖疑之而不爲亂仍等  
神譙思之意此藥自四散至此若果藥有難堪何於于前相  
安而此時遽變若此其必數日不食胃氣斬復而倉廩空虛  
饑甚則然也傍有預備之粥取以示之則張鼻欲得其狀甚  
急乃與一小匙輒鯨吞虎噬身又望其餘遂復與半碗循然不

足又與半碗遂寂然安臥矣至次日復加製附始得瀉止全

愈嗚呼此兒之重生固有天命然原其所致之因則人之

氣皆繫於背褥薄夜寒則寒從背愈而入內于於臟中必

矣原其所治之法則用藥雖當而氣味不投無以相入求效

難矣及其因饑發躁使非神悟其機倘妄用清涼一解則全

功盡棄豈可言哉故余筆此以見病原之輕重氣味之相關

及診治之活變有如此關係者雖然此特以已之兒故可信

心救療如是設以他人之子有同是病者於用參數錢之時

見其未效不知藥未及病必且煩言喚起謗其誤治改用若

寒無不即死而仍歸罪於用參者此時黑白將焉辨之故再



噉其詳用以廣入之間見云

都問錢旭陽長郎年及兩週季夏間以生果傷脾因致先瀉後

痢旭陽言醫知其不過傷於生冷乃與參朮薑桂溫脾等藥

瀉利不愈而漸至唇口生瘡乃謀之余曰此兒明為生冷所

傷今不利溫藥將奈之何余曰此因瀉傷陰兼之辛燥遠入

而虛火上炎耳非易以附子不能使火歸原也因用三劑而

唇口瘡痛咽腫倍甚外見於頭面之間而病更劇矣又謀之

余曰用藥不投如此豈真因濕生熱耶余診之曰上之脉息

下之所出皆非真熱本屬陽虛今熱之不效雖屬可疑然究

其所歸寒之則必無疑也意者藥猶未及耳旭陽曰尚有

一證似屬真寒今其所用湯飲必欲極滾極熱者余等不能  
入口而彼則安然吞之卽其喉口腫痛如此所不顧也豈  
證乎余曰是矣是矣遂復增附子一錢五分及薑桂肉果人  
參熟地之屬其瀉漸止瀉止而痰口等證不一日而全收矣  
疑似之間難辨如此使非有確持之見萬無一生矣余自經  
此以來漸至不惑後有數兒證治大同者俱得保全憶此不  
惑之道其要何居在知本之所在耳臨證者可無慎哉

附按

薛氏治一小兒每飲長失節或外驚所忤卽吐瀉發搐服鎮驚  
化痰等藥而愈後發搐益甚飲食不進雖參朮之劑到口卽

嘔余用白朮和土炒黃用米泔煎散沸不時灌也匙仍嘔次日灌之微嘔再日灌之欲嘔此後每服二三匙漸加至半杯不嘔乃濃煎服而愈

一 小兒瀉而大便熱赤小便澀少此熱蘊於內也先以四苓散加炒黃連一劑其執顛退又用七味白朮散去木香三劑熱渴頓止後以四君升麻調理而痊

一 小兒九歲食多燥之物作瀉飲冷諸藥不應肌體消瘦飲食少思余用黃連二兩酒拌炒焦爲末八人參末四兩粥丸小豆大每服四五丸不拘時白湯下服訖漸愈又用五味異功散加升麻服月餘而瘥後不戒厚味馬疔積消瘦少食發



熱作湯用大蘆薈丸爲主以四味肥兒丸爲佐疳證漸退却以四味肥兒丸爲主以五味異功散爲佐而痊後又不禁食味作瀉飲令仍肥兒丸異功散而痊

霍亂吐瀉 二十七

小兒霍亂吐瀉者必以寒涼傷胃或時氣陰濕或飲食失宜皆能致之然此與前吐瀉並行者稍有不同蓋霍亂者暴而甚吐瀉者徐而緩霍亂者傷在一時吐瀉者其傷以漸此其所以有異也○若暴疾霍亂而胃口未清胸腹仍滿者宜先用和胃飲苓朮二陳煎或大小和中飲或小分清飲或神香散之類主之俟胃口稍平卽宜五味異功散或溫胃飲五苓散



之類調補之○若霍亂初起便覺神疲氣倦而胃口別無服  
滯者此其胃氣已傷即宜溫補如養中煎溫胃飲之類不食  
藥性清利也

論瀉痢糞尿色二十八

古人有以小兒瀉痢糞黃酸臭者皆作胃熱論治此大誤也蓋  
飲食入胃化而為糞則無有不黃無有不臭者豈得以黃色  
而酸臭者為熱乎今以大人之糞驗之則凡胃強糞實者其  
色必咳黃而老蒼方是全陽正色若純黃不蒼而糞有嫩色  
則胃中火力便有不到之處再若淡黃則近白矣近日之色  
則半黃之色也糞色半黃則穀食半化之色也糞氣酸腥則  
穀食半化之氣也穀食半化則胃中火力盛衰可知也若心



待糞青糞白氣味不臭然後爲寒則覺之遲矣故但以糞色  
之淺深養氣之微甚便可別胃氣陽和之成色智者見於未  
然而况於顯然乎余故曰古人以蓋黃酸臭爲火者大誤也  
再若小便之色凡大便瀉痢者瀉濁旣不分小便必不利小  
水不利其色必變卽清者亦常有之然黃者十居八九此因  
瀉凶陰陰凶則氣不化氣不化則水涸水涸則色黃不清此  
自然之理也使非有淋熱痛澀之證而但以黃色便作火治者亦大誤也

### 吐乳

小兒吐乳雖有寒熱之不同然寒者多而熱者少虛者多而實  
者少總由胃弱而然但察其形色脈證之陰陽則虛實寒熱



自有可辨辨者宜加微清寒者必須溫補乳子之藥不心多  
用但擇其要者二三四味可盡其妙如參薑飲五味異功散  
之類則其要也若兒小乳多滿而溢者亦是常情乳行則止  
不必治也若乳母有疾因及其子或有別證者又當兼治其  
母宜從薛氏之法如左

薛氏曰前證若小兒自受驚或乳母恚怒致兒吐瀉青白者  
用異功散○若母食厚味而乳熱者用東垣清胃散○母飲  
酒而乳熱者用葛花解醒湯子服一二匙○若飲燒酒而乳  
熱或子母身赤或昏憒服冷米醋三五杯多亦無妨兒服一  
二匙○若母停滯生冷而乳冷者母服人參養胃湯子服調



中九○若母停滯而變熱乳者母服大安九子服五味異功散○若母鬱怒傷脾而乳熱者用歸脾湯逍遙散○若母脾虛血弱而乳熱者用六君子加芎歸○若母氣血虛而乳熱者子母俱服八珍湯○若母勞後發熱而乳熱者子母俱服補中益氣湯○若因怒動肝火而乳熱者用五味異功散加柴胡山梔○若吐痰涎及白綠水者木乘脾土虛寒證也也用六君子加柴胡木香○大凡吐乳瀉青色者屬驚風當平肝補脾吐瀉青白色者屬寒法當溫補脾土○前諸證若手足指執者屬實手足指冷者屬虛此亦驗法也

錢仲陽曰小兒諸疳皆因病後脾胃虛損或用藥過傷不能傳  
化乳食內亡津液虛火妄動或吐母六淫七情飲食起居不  
宜致兒爲患凡疳在內者目腫腹脹瀉痢青白體漸瘦弱疳  
在外者鼻下赤爛頰擦鼻耳或肢體生瘡大抵其證雖多要  
不出於五臟而五臟之疳不同當各分辨治之○疳疔者一  
名筋疔亦名風疔其證白膜遮睛或瀉血而瘦宜用地黃丸  
以生腎○心疳者而黃頰赤身體壯熱宜用硃砂安神丸以  
治心異功散以補脾○脾疳者一名肥疳體黃瘦削皮膚乾  
澁而有瘡疥腹大嗜土宜用四味肥兒丸以治疳五味異功  
散以生土或用益黃散○肺疳者一名氣疳喘嗽氣促口鼻

生瘡宜用人參清肺湯以治肺益氣湯以生金○腎疔者一  
名骨疔肢體瘦削遍生瘡疥喜臥濕地用地黃丸○鼻疔者  
關香散諸瘡用白粉散○若患潮熱當先補肝後瀉心若妄  
以硝黃等藥利之則成疔○若患癰當消磨苦誤以巴豆礪  
砂下之或傷寒誤小皆能成疔○其初病者為熱用真連  
尤久病者為冷疔用木香丸冷熱相兼者用如聖九津液  
少者用七味白朮散○凡此皆因大病脾胃虧損內亡津液  
所致當固脾胃為主而早為施治則不變證也

楊氏曰無辜疔者腦後項邊有核如彈丸按之轉動軟而不疼  
其內有虫不速振出則內食臟腑肢體癱疽便利膿血壯熱

廩瘦頭暈骨高宜用大無夷湯蟾蜍丸○丁奚者手足極細  
項小骨高尻削體瘦腹大臍突號與胸陷宜用肥兒丸去積  
會九○唾露者虛熱往來頭骨分開翻食吐虫煩渴腹脹宜  
用肥兒丸大蘆薈丸○走馬疳者牙齒蝕爛蓋齒腐腐虛  
受熱痰火上炎致口臭齒黑甚則齕爛牙宜宜敷藥散服  
蟾蜍丸○若作渴瀉痢腫脹勞瘵等證當詳參方論而治之  
○蓋疳者乾也因脾胃津液乾涸而患在小兒為五疳在大  
人為五勞總宜以調補胃氣為主○

又楊氏曰又有疳傷者五臟虫疳也其名甚多姑舉其要○虫  
疳者其虫如絲出於頭項腹背之間黃白赤者可治青黑者



難治○咽者皺眉多啼嘔吐青沫腹中作痛肚脹舌白唇

口紫黑頭搖齒疼○脊痛者身熱肌黃煩渴下利拍背有聲

脊骨如鋸齒十指皆瘡頰啣指用○腦疳者頭皮光急滿頭

并瘡腦熱如火髮結如穗遍身多汗頭腫頭高○疳渴者口

則煩渴飲水不食夜則渴止○疳瀉者毛焦唇白頰上青紋

肚脹腸鳴瀉下糟粕○疳利者停積宿滯水穀不化瀉下膿

物○疳腫者虛中有積肚腹繫脹脾復受濕則頭面手足虛

浮○疳勞者潮熱往來五心煩熱盜汗骨蒸嗽喘枯悴渴瀉

飲水肚硬如石面色如銀○大抵其證雖多要不出於五疳

總宜以五疳之法治之

景哲曰按楊氏云疔者乾也在小兒爲五疔在大人爲五勞然  
既云爲乾又云爲勞豈非精血敗竭之證乎察前諸法俱從  
熱治多用清涼雖此證抗熱者固多而元氣既敗則服熱者  
尤多也即前所甲亦有地黃丸異功故益黃散益氣湯之類  
恐此數方有不足以盡之其或血氣俱損有非大補不可者  
陰虛假熱脾敗腎虧又有非溫補不可者曾在臨證酌宜微  
當以虛損治勞之法參用庶得盡善

薛氏曰按疔證或以嗜食大旱或嗜食甘肥或服峻厲之藥重  
以津液虛火熾盛或因真氣或乳母厚味七情致之各當調  
治其內○若口舌蝕爛身體吐熱咽唇赤色或作腫痛腹胸

煩悶或掌熱咽乾作渴飲水便赤盜汗齧齒虛驚此心經內

外疔也宜安神丸之類主之○若鼻外生瘡眼目赤爛服

似癰兩耳前後項側缺盆兩腋結核或小腹內股

等九腫潰小便不調或出白津或咬指甲搖頭側目白膜遮

眼羞明畏日肚大青筋口乾下血此肝經內外疔也用地黃

蘆薈二九主之○若頭不生髮或生瘡痂或髮成穗或

口吻赤爛腹痛吐逆乳食不化口乾嗜上瀉下酸臭小便白

濁或合目昏睡惡聞木青此脾經內外疔也用肥兒丸主之

○若鼻外生瘡咽喉不利頸腫齒痛欬嗽寒熱皮膚皴錯欠

伸少氣鼻痒出涕衄血目黃小便頻數此肺經內外疔也用





地黃清肺飲王之○若腦熱吐痰手足逆冷寒熱往來骨泄  
肚痛口臭作渴齒齲滑爛爪黑面蠶身耳生浴或耳出水或  
食目髮此皆經內外疔也用地黃丸主之○凡疔熱上攻或  
痘毒上升為患甚速名為走馬痘患較雄黃散搽尤該馬鳴  
散擇而用之服蟾蜍丸輕則牙齦腐爛唇吻腫痛可治甚則  
牙擗蝕落頰頰透爛不治

盜汗三十一

小兒元氣未充腠理不密所以極易汗出故凡飲食過熱成衣  
被過煖皆能致汗東垣諸公云此是小兒常事不必治之然  
汗之根本由於營氣汗之啓閉由於衛氣若小兒多汗者終

是衛虛所以不固汗出既多未晚當衛血氣愈有所損而最  
羸之漸未必不由乎此此所以不可不治也大都治汗之法  
當以益氣為主但使陽氣外固則陰液內藏而汗自止矣  
一治法凡小兒無故常多盜汗或自汗者宜以團參散為主或  
參苓散四君子湯五味異功散或白朮散之類俱可擇用○  
若其甚者宜三陰煎人參養營湯或十全大補湯○若心經  
有火而見煩渴者宜生脈散一陰煎○若肝脾火盛內熱薰  
蒸血熱而汗出者脈必洪滑證多煩熱宜當歸六黃湯或芩  
減一陰煎○若陽明實熱汗出大渴者宜仲景竹葉石膏湯  
○若因病後或大吐大瀉之後或誤用剋伐之藥以致氣虛

氣脫而大汗出陽者速宜用參附湯六味回陽飲或芪附湯  
之類庶可挽回也○大都汗多出陽者多致角弓反張項強  
戴眼等證此大陽少陰二經精血耗散陰虛血燥而然速宜  
用大營煎人參養營湯或十全大補湯之類方可回救若作  
風治萬無一生矣○前汗證門有詳論詳法所賞參附○余  
之見輩有於襁褓中多盜汗者但以人參一錢泡湯與服  
夜即止久不服參必又汗出再服再止其效如神凡蒼兒者  
亦可以此為常法

腹脹腹痛 三十二

小兒腹脹腹痛多因食積或寒涼傷脾而然內經曰病痛者陰

也又曰痛者寒氣多也有寒故痛也東垣曰寒脹多熱脹少  
皆主於脾胃故凡小兒肚腹或脹或痛雖曰多由積滯然脾  
胃不虛則運化以時何致作脹是脹必由於虛也嘗謂之熱  
傷而腹中和煖則必無留滯作痛是痛多由乎寒也故治屬  
治脹者必當以健脾胃為主若無火證不得妄用涼藥若  
無拒按堅實等證不得妄用攻藥

一治法凡小兒肚腹膨脹或時常作痛黃瘦常用調理之法惟  
芍藥枳實丸加減用之為宜且善止腹痛或大健脾胃楊氏  
啓脾丸和中丸之類皆可酌用○若偶爾傷脾胃氣促困倦外  
見腹脹而內不脹者此脾胃氣虛也宜五味異功散或六味里

功煎○若脾胃陽氣不足虛寒作脹或畏寒或手足冷或兼  
嘔瀉者宜五君子煎卷中的溫胃飲六君子湯或調中丸  
若兼脾腎陽虛或水之為痰或喘促痛脹泄瀉宜膠煎加  
減主之○若脾胃氣虛而痛滯吐瀉者宜六味與白朮或不  
君子湯加木香或調中湯○若胃口偶有留滯大便或積者  
宜排氣飲或益黃散○若宿食偶有不消而嘔為脹滿者宜  
大小和中飲或初保丸消食丸○若有堅積停滯脹痛拒按  
形氣俱實者宜赤金豆白餅子紫霜丸之類攻下之○凡諸  
未盡當於腹痛腫脹二門參酌為治

余初年在京治一五歲隋女適經藥舖見有晒瞭巴豆其父誤



以為松仁以一粒與食之嚼而味辣即忙吐出而已半粒下  
 咽矣少頃大瀉十餘次瀉後次日即致肚腹通身悉皆腫脹  
 絕口不食因求治於余或謂宜黃連綠豆以解毒或謂宜四  
 苓五皮以利水余曰大攻之後豈非大虛之證乎能再堪者  
 寒以敗脾否大瀉之後又尚有何水之可利遂置利藥參湯  
 及溫胃飲以培脾氣不數劑而復元如初夫既以大瀉而何  
 以反脹若是因此一證乃知大虛大寒而致成腫

脹者類多如此新按

痞塊三十三

小兒多有痞塊者總由口腹無節見食必啖食上加食脾胃化  
 之不及則胃絡所出之道未免漸有留滯留滯不已則日以

益六因成痞矣或以感寒發熱之後胃氣未清此時最宜擇  
食節食若不知慎則食以邪留最馮成痞此實人所不知也  
第痞塊既成必在腸胃之外膜膈之間故非可以消伐之劑  
推逐而去者若但知攻痞則胃氣益弱運化失權不惟不能  
消痞且致脾土虧損則痞邪益橫而變證百出矣故治此者  
當酌其緩急專以調補胃氣為主外則用膏用灸以拔其結  
絡之根庶為萬全之策

一凡調理脾胃之法若痞邪未甚宜芍藥枳實丸加減用之為  
善或大健脾丸及楊氏啟脾丸皆可擇用○若脾胃氣虛食  
少體瘦宜五味異功散○若脾胃虛寒者宜調中九溫胃飲

五君子煎○若兼胃脘停積食滯作脹者且保和丸消食丸  
或大小和中飲○若脈急堅實形氣尚強不得不瀉者宜赤  
金豆白餅子○若痞久成熱致動陽明之火而牙口潰爛成  
疳者宜盧會丸胡黃連丸或蟾蜍丸○此外如貼膏及灸  
治之法俱詳載積聚門

癩痢 三十四

錢仲陽曰小兒發癩因血氣未充神氣未實或為風邪所傷或  
為驚怪所觸亦有因姪娠時七情驚怖所致若眼直目牽口  
噤涎流肚膨發搐項背反張腰脊強勁形如死狀終日不醒  
則為疔矣○凡治五癩皆隨臟治之每臟各有一獸之形通





用五色丸為主仍參以各經之藥發而重者死病甚者亦死  
○如面赤目瞪吐舌嚙唇心煩氣短其聲如羊者曰心脈虛  
虛者用養心湯發熱飲冷為實熱用虎睛丸發熱飲湯為虛  
熱用辰砂妙香丸○面青唇青兩眼上窺手足攣屈反折其  
聲如犬者曰肝癰肝之虛者用地黃丸抽搐有力為實邪用  
柴胡清肝散大便不通用瀉青丸○面黑目振吐涎沫形體  
如尸其聲如猪者曰腎癰用地黃丸紫河車丸之類腎無瀉  
法故徑從虛治之○面如枯骨目白反視驚跳反折搖頭吐  
沫其聲如雞者曰肺癰肺氣虛者用補肺散面色痿用者土  
不能生也用五味異功散面色赤者陰火上衝於肺也用地



黃丸○面色痿黃目直腹滿自利四肢不收其聲如牛者曰  
一脾間用五味異功散若面青瀉利飲食少思用六君子加不  
香柴胡○若發熱暈仰臥面色光澤脈浮者病在腑為陽  
證易治身冷不搖覆臥面色黯黑脈沉者病在臟為陰證難  
治○凡有此證先宜看其後高骨間若有青脈紋先抓破出  
血可免其患此皆元氣不足之證也須以紫河車丸為主兩  
以補藥佐之設若泛行射伐復傷元氣則必不時舉發久而  
變危多致不救○又有驚癇風癇食癇三種治驚癇宜北金  
丸茯神丸錢氏養心湯辰砂妙香散清神湯虎睛丸之類主  
之風癇用錢氏牛黃丸消風丸星蘇散之類主之  
食癇用妙  
聖丹主之



薛立齋曰妊娠若遇驚恐則必內應於胎故一月足厥陰脉養驚則肝有病二月足少陽脉養驚則胆受病三月手少陰脉養驚則心受病四月名爲離經五月足太陰脉養驚則脾受病六月足陽明脉養驚則胃受病七月手太陰脉養驚則肺受病八月手陽明脉養驚則大腸受病九月足少陰脉養驚則腎受病是臟腑納氣於丹田自胎至腎十經滋養而此則胎中所致也若既生之後或驚怪所觸或乳哺失節或乳母飲食起居六淫七情臟氣不平亦致是證須察見證屬於何經更別陰陽以調補脾胃爲主否則不時舉發甚至不救

附按

薛氏治一小兒患前證吐痰困倦半餉而甦諸藥不效年三十

三而頻發用肥厚紫河車生研爛入人參當歸末搗丸桐子

大每服三五丸日進三五服乳化下一月漸愈又作以人參湯全愈

又一兒七歲發驚癇今其志飲人乳後發漸疎而輕至十四

復發用乳不交亦用河車丸數具而愈當用加減八味丸而

安後至二十三歲復發而手足厥冷仍用前法佐以八味丸

十全大補湯而痊

又治數小兒皆以補中益氣湯六君子湯六味八味等丸相

間用之皆得全愈

癩癘諸經義及大人證治諸法俱詳載癩狂門所當參閱



小兒便如米泔或渴停少頃變作泔濁者此脾胃濕熱也凡飲  
 食不節者多有此證然亦有氣虛下陷而然者○若脈證兼  
 火者當清利宜導赤散或四味肥兒丸○若飲食不節兼腹  
 滯者宜保和九大安丸○若形氣不足或黃瘦或腹中痞宜  
 五味異功散或四君子湯或補中益氣湯○若肝腎火盛移  
 熱膀胱者必兼痛澁煩熱宜七味龍胆瀉肝湯○若脾胃本  
 虛而復兼濕熱者宜四君子湯加炒黃連○若止見渴白而  
 別無煩熱脈證則但節其生冷水果及甘甜等物不人自愈  
 切不可因其渴白而適用芩連梔子之類多致傷脾而反生



吐瀉等證漸至羸敗者是皆誤治之害也不可不察

變蒸三十六

巢氏云小兒變蒸者以長血氣也變者上氣蒸者體熱發伸揚  
曰變者易也小兒在母腹中及生骨氣五臟六腑成而未全  
自生之後即長骨脉臟腑之神志自內而長自下而上故以  
生之日後三十二日一變蒸即覺情志有異於前何也長生  
意志臟腑故也何謂三十二日長骨添精神蓋人有三百六  
十五骨節以應天數內除手足中四十五碎骨外共有三百  
二十數自下生骨一日十段而上之十日百段而三十二日  
計三百二十段為一遍亦曰一蒸凡一周遍乃全虛熱諸病



如是十間則小蒸畢也故初三十二日一變生腎志六十四  
日二變一蒸生膀胱九十六日三變生心喜一百二十八日  
四變二蒸生小腸一百六十日五變生肝哭一百九十二日  
六變三蒸生膽二百二十四日七變生肺聲二百五十六日  
八變四蒸生大腸三百八十八日九變生脾三百一十二日十  
變五蒸生胃此所謂小蒸畢也又手厥陰經爲臍手少陽經  
三焦爲腑此一臟一腑俱無狀故不變不蒸也大倉云氣入  
四肢長碎骨於十變後六十四日爲一大蒸計三百八十四  
日又六十四日爲二大蒸計四百四十八日又六十四日爲  
三大蒸計五百一十二日至五百七十六日變蒸既畢兒乃



成人也變者生五臟也蒸者養六腑也每經一變一蒸情態  
卽異輕則發熱故汗其狀似驚重則壯熱脈亂而數或汗或  
吐或煩喘燥渴睡者五日解重者七八日解其候與傷寒相  
似其治法平和者微表之實熱微利之用紫霜丸散子柴  
胡散有寒無熱并吐瀉不乳多啼者當歸散調氣散主之  
薛直齋曰全兒方論云變蒸者以長氣血也變者上氣蒸者  
熱也轉則體熱盧驚耳冷微汗唇生白泊三日可愈重則寒  
熱脈亂腹痛啼叫不能乳食食卽吐哕五日方愈古方以黑  
散子紫霜丸主之竊謂此證小兒所不免者雖勿藥可也况  
前藥乃屬岐厲非惟臆臆不能勝抑且反傷氣血慎之慎之



余嘗見一小兒至二歲發熱有痰投以抱龍丸一粒卒至不  
救觀此可驗矣若不熱不驚驚無證候而暗變者  
景岳曰小兒變蒸之說古所無也至西晉王叔和始  
自隋唐巢氏以來則日相傳演其說益繁然以余觀之則似  
有未必然者何也蓋兒胎月足離懷氣質雖未成實而臟腑  
已皆完備乃既生之後凡長養之機則如月如苗一息不容  
有間百骸齊到自當時異而日不同豈復有此先後後如一  
變生腎二變生膀胱乃每變必三十二日之理乎又如小兒  
之病與不病余所見所治者蓋亦不少凡屬違和則不因外  
感必以內傷初未聞有無因而病者豈真變蒸之謂耶又見



保護得宜而自生至長毫無疾痛者不少抑又何也雖有暗  
變之說終亦不能信然全恐臨證者有執迷之誤故道其愚  
昧若此及如前薛氏之戒皆不可不察也明達者以為然者

小兒下論列方三十七

理中湯

理中丸 同上

十全大補湯 補二十

養中煎 新熱四

溫胃飲 新熱五

六味大黃丸 補一小二

班陰煎 新熱三

胃關煎 新熱九

八味地黃丸 補一二二

四君子湯 補一

五君子煎 新熱六

加減八味丸 補一二二



六君子湯補五

補中益氣湯補三一

白朮散和三十

生脈散補五七

人參養胃湯小四一

團參散小三五

益黃散和十九

人參清肺湯卷三六

三陰煎新補十一

參附湯補三八

歸脾湯補三三

八珍湯補十九

人參養營湯補二二

逍遙散補九三

參茸散新補八

人參安胃散小四二

大營煎新補十四

一陰煎新補

加減一陰煎新補九

芪附湯補四四



五味異功散 補四

安神丸 第一四三

扶神湯 小六十

六味異功煎 新熟七

調中湯 小二

六味回陽飲 新熟二

和中丸 和八七  
八八六

六安煎 新和二

芍藥枳木丸 新和十六

大建脾丸 和八五

參苓散 補五四

當歸六黃湯 寒六四

清神湯 小六一

虎睛丸 小五一

調中丸 小三

保和丸 小三五

參朮二陳煎 新和四

二陳湯 和一

大安丸 小三六

啟脾丸 和八六



南京中醫藥大學圖書館版權所有

和胃飲新和五

排氣飲新和六

大和中飲新和七

小和中飲新和八

竹茹湯和一二一

地黃清肺飲小六九

五苓散和一八二

瀉黃散寒五七

錢氏養心湯小五九

四苓散和一八七

胃苓湯和百九十

硃砂安神丸寒一四二

益元散寒百十二

小分清飲新和十

辰砂妙香散固十五

蘭香散小百十

玉泉散新寒十五

東垣清胃散寒五四

柴胡散小二一

導赤散寒一二二



葛花解醒湯和一二四

星蘇散小二四

香連丸寒百十

五物香薷飲和百七十

比金丸小百

消風丸小百日

十味香薷飲和一二一

妙聖丹小百五

紫河車丸小百九

橘皮竹茹湯和一二二

消食丸小三七

胡黃連丸小一二二

藿香安胃散和七二

黃連丸小一三一

如聖丸小一二六

竹葉石膏湯寒五

紫霜丸小百三小

木香丸小百二十

龍膽瀉肝湯集六三

白餅子小三九



抱龍丸 小八五

聖散子 未收

四味肥兒丸 小百十一

大瘡膏丸 小百十五

蟾蜍丸 小一二三

擦牙散 痘一三五

聖米煎 新熟二五

神香散 新和二寸

錢氏牛黃丸 小九二

赤金豆 新攻二

馬鳴散 痘一三八

大蘇美湯 小百八

白粉散 外一九六

雄黃散 痘一三三

助胃膏 小六

奇全書卷之四十一終





南京中医药大学图书馆版权所有



景岳全書麻疹註目錄談集

卷之四十二

麻疹全

述原一

疹逆順三

疹證五

麻疹初熱七

疹形色九

疹吉凶十一

疹禁忌十三

名義二

疹脉四

疹期六

疹出沒八

疹涕十

總論治法十二

疹發熱十四



南京中醫藥大學圖書館藏

疹喘嗽十五

疹吐瀉十六

疹飲食十七

疹飲水十八

疹渴十九

疹汗衄二十

疹躁妄狂亂二十一

疹咽痛二十二

疹唇口瘡二十三

疹腹痛二十四

疹後諸證二十五

附痲疹二十六

水痘二十七

論列方二十八

暑症全書痲疹目錄終



景岳全書卷之四十二 謨集

麻疹全

會稽 張介賓 會鄉著

山陰 余士仁 示德刻

麻疹全

述原一

景岳子曰痘之與疹原非一種雖痘之變態多證而疹之收斂稍易然疹之甚者其勢凶危亦不減於痘最為可畏蓋疹毒痘毒本無異也第古人重痘而忽疹多不詳及使後人無所宗法余實悵之自得羅田萬氏之刻見其理透法精鄙念斯



全書卷四十二  
月步  
愈今悉從其訓備述於此雖其中稍有裁訂亦不過正其舛  
似詳其未詳耳便此後患疹者幸獲迷津之指南亦以見萬  
氏之功爲不少矣

名義二

疹者痘之未疾惟二經受證脾與肺也內應於手足太陰外合  
於皮毛肌肉是皆天地間疹戾不正之氣故曰疹也然其名  
目有異在蘇松曰沙子在浙江曰醋子在江右湖廣曰麻在  
山陝曰周瘡曰糠瘡曰赤瘡在北直曰疹子名雖不同其證  
則一但疹在痘前者痘後必復疹惟痘後出疹者方爲結局

疹逆順三



萬氏曰疹以春夏為順秋冬為逆以其出於脾肺二經一遇風寒勢必難出且多變證故於秋冬為不宜耳夫大行不正氣致為人之癘疹然古人於痘疹二字始終歸重於痘不分別疹為何物豈可以二證歸於一證耶想當時痘疹不重疹故爾略之致死後人不得心法因而害事者往往有之今以吾家四代傳流以及今日心得之法開載於後用此庶痛定不差矣敢有毫釐隱匿天其鑒之

疹脈四

凡出疹自熱起至收完但看右手一指脈洪大有力雖有別證亦不為害此定存心之要法也



景岳曰按此即陽證得陽脈之義若細軟無力則陽證得陰脈矣元氣既弱安能勝此邪毒是即安危之基也故凡診得陰脈者即當識為陰證而速救元神宜用傷寒溫補壯法治之若熱以麻疹為陽毒而驟用清寒則必不免矣

### 疹證五

疹雖非痘之比然亦由胎毒蘊於脾肺故發於皮毛肌肉之間但一時傳染大小相似則未有不由天行癘氣而發者此其源雖內發而證多屬表故其內為胎毒則與痘證同外有表邪則與傷寒類其為毒也總由君相二火燔灼太陰而脾肺受之故其為證則有欬嗽暗噎面腫腮赤目肥浮腫眼淚汪



汪鼻流清涕呵欠悶頓乍涼乍熱手足稍冷夜臥驚悸感惡  
心嘔噦或以手指面目唇鼻者是即出疹之候使宜用解毒  
散邪等藥不使留停於中庶無他患且凡是疹證必具齒疔  
中指冷而多嗽又必大熱五六日而後見紅點遍身此其所  
以與痘與傷寒有異也

一痘欲盡發面不留疹欲盡出則無病邪氣鬱遏則留而不  
正氣損傷則困而不伸毒歸五臟變有四證歸脾則泄瀉不  
止歸心則煩熱不退而發驚歸肺則咳嗽血出歸腎則牙齦  
爛而府蝕

程氏曰麻疹初出頰傷風寒頭疼欬嗽熱甚目赤頰紅一二日  
內即出者輕必須解表忌見風寒薑腥厚味如犯之恐生痰



涎變為驚搐必致危矣如初起吐瀉交作者順乾嘔霍亂者  
逆欲出不出者危立至

徐氏曰痘自裏面出於臟故卑疹自表面出於腑故輕

景岳曰痘疹之屬有四種曰痘曰疹曰麻曰班也痘則傳精

出自小而大或稀或密部位顆粒有辨也疹則一

者如蘇子次者如芥子小者如蚕子而成粒成片者是也

則最細而碎如蚊迹模糊者是也班則無粒惟成片紅紫如

雲如錦者是也大都疹與麻班同類即發班傷寒之屬而痘

則本非其類也蓋痘疹本於肝腎出自中下二焦是以終始

不妨於食而全賴水穀為主所以能食則吉不能食則凶故





治痘者不可不顧脾胃。疹之毒則由表邪不解而內犯太陰陽明。病在上中二焦。所以多不能食。故治麻疹者。但宜輕散火邪。邪散則自能食矣。是痘疹之治。當各有所重。治如此。

疹期六

出疹之候。初熱一日。至次日。鴛鳴時。其熱即止。存存微熱。漸見咳嗽。鼻流清涕。或腹中作痛。飲食漸減。到申酉之間。其熱復來。如此者。四日。用手滿按髮際處。甚熱。其面上熱少減。二三分。欬嗽連聲。面燥腮赤。眼中多淚。曠嚏。頰發。或忽然鼻中出血。至五日。其熱不分晝夜。六日。早時其疹出在兩頰下。細細紅點。至午時。兩干皆並腰下。及渾身密密俱有紅點。七



日晡徧掀發其鼻中清涕不流噴嚏亦不行七日晚兩頰顏色漸淡此驗出疹之要法

凡疹熱六日而出一定之規也若醫人無識用藥太早耗散氣及至出時變害多矣或嗽而變喘或出一二日即愈或大瀉或合目而喘此醫人用藥不當之害也吾家行法在五日內用藥必待見疹方用徐徐升表然用藥亦有次第凡一劑必作十餘次飲之况疹在皮膚之間若作一次服則藥性催之太急每至譫語煩躁故當慎之

景岳曰按此萬民之法謂醫人用藥太早恐致耗散元氣故必待見點而後施治及作一次服恐藥性催之太急皆惟恐



無益而反以致害此同其心得之法也然以愚見則醫有高下藥有宜否但使見有確真發無不當則於未出之前或發或補必有得愈防之力以潛消其毒者既出之後亦必有善調之方而不致催急者此在善與不善或不嫌昂與不昂也嘗見庸流之誤治者多是誠不服藥為中醫也此葛氏之說所以不可不遵

凡疹熱五六日必出矣醫人用藥見不能散父母見藥不效醫人見熱嗽不能除或以別證治之主家又或更


醫此世之所誤者多矣

麻疹初熱七

麻疹發熱之初與傷寒相似惟疹子則面頰赤嫩嗽噴嚏鼻流

清涕目中有淚呵欠喜睡或吐瀉或手摺眉目而赤為異耳  
但見此候即是疹子便宜謹避風寒戒葷腥厚味古法用  
麻葛根湯以姜散毒邪余製透邪煎代之更佳或紫蘇飲  
妙但使皮膚通暢腠理開豁則疹毒易出不可作傷寒安知  
汗下也妄汗則增熱而為衄血欬血為口瘡咽痛為目赤腫  
為煩燥乾渴為大小便不通妄下則裏虛為滑泄為瀉下  
曰必先歲氣母伐天和言不可妄汗妄下也

凡疹初熱疑似之間切不可輕易用藥總有他證必待五日腮  
下見疹方可用升表之劑嗽多連打嚏噴鼻流清涕或流鼻  
血飲食減少好飲涼水只宜調與飲食戒齋食葷腥



疹子初發時未見出現咳嗽百十餘聲不已上氣喘急而  
日胞腫時臥時起此火毒內蒸肺葉焦舉宜甘桔湯各白湯  
湯加牛旁子薄荷主之○如疹出之時咳嗽口乾煩者此  
毒在心肺發未盡也瀉白散加天花連翹玄參黃連主之  
一疹子欲出未出之時宜早為發散以解其毒則無餘患若不  
預解使之盡出多致毒蓄於中或為壯熱日久枯瘁或成癰  
癩或為瀉痢或為咳血喘促或作疔蝕而死此雖一時戾氣  
之染然未有不由於人事之未盡也

疹出沒入

一疹子出沒常以六時為準假如子後出午後即收午後出子

後卽收乃陽生陰成陰生陽成造化自然之數也凡此旋出

旋收者輕若一出連綿二四日不收者乃陽毒大甚宜大毒

湯或用荆芥牛蒡子甘草玄參石膏楨榿主之○若遠巡不

出者乃風寒外束皮膚閉密也宜荆防敗毒散主之

一疹已出而復沒者乃風寒所逼而然若不早治毒必內攻以

致痲瘍而死急用升麻湯加荆芥牛蒡子甘草後服則疹必

一發熱六七日以後明是疹子却不見出此必皮膚堅厚腠理

閉密或為風寒所襲或曾有吐瀉皆能伏也急用托裏散表

之劑如麻黃湯去杏仁加蟬退升麻外用胡荽酒之類○如

一向未更次者必毒甚於內伏而不出局方涼膈散加牛蒡子



一疹子只怕不能得出若出盡則毒便解故治疹者於發熱之時當察時令寒暄酌而治之○如時證大寒以桂枝葛根湯或麻黃湯發之○時證大熱以升麻葛根湯或人參白虎湯發之○不寒不熱以荆防敗毒散發之○如毒發爛之氣以人參敗毒散發之○如盡一劑不出再作本湯服之外用胡荽酒又以芎麻醪酒遍身搵之務令吐出如三四作裏不出加腹中脹痛氣喘昏悶則死證也

景岳曰按此萬氏之法極得隨時制宜之善已盡發表之義矣然發表之義亦最不易卽如營衛不足而疹有不能出者其證甚多若徒知發之而不知滋之則營衛有弱者非惟不

能發而且恐窮其源矣此其或在脾胃或在血氣必得其神  
庶乎有濟如傷寒三表之法實亦有關於此

一疹毒出盡則邪氣解散正氣自然和平如發熱煩悶或嘔吐  
或世瀉此毒邪壅遏尚未出盡也○煩熱者黃連解毒湯○  
嘔泄者柴胡橘皮湯○並外用胡荽酒及苧麻蔓法如前待  
疹子出盡則煩熱自去嘔吐自止矣

一疹有既收而餘毒未盡至三日之外又復發出或至五六次  
不已者此因發熱之時不避風寒致令邪氣鬱於肌肉之間  
留連不散雖曾解散終屬未暢耳若兼雜證亦當隨證治之



凡看麻疹初出之法多於耳後項上腰腿先見其頂大而長其形小而勻淨者吉也若色見通紅則疹發於心紅者入之正色也若疹色淡白者心血不足也養血化斑湯主之或四物湯加防風色大紅燄或微紫者血熱也或出太甚者重宜太青湯主之或四物湯去川芎加藥胡黃芩乾葛紅花牛黃子連翹涼血滋陰而熱自除所謂養陰退陽之義亦五死一生之證也若黑色者則熱毒尤甚而十死一生之證此尤不可不明察之而混為施治也

凡疹初出色赤者毒盛之勢也但大便調咳嗽多右手一指脈輕重取皆有力雖勢重不碍但當隨證調理若嗽少右手一



指脉無力雖三日後收其渾身疹瘡變為紫色壅結於皮膚  
之間若用解利之藥其色漸轉紅色嗽多流涕頗思飲食者  
生若投二三劑難變者難療也

疹涕十

凡疹出至二三日必兩鼻俱乾得收完看毒氣輕者清涕即來  
就思飲食此不必服藥若清涕來遲不思飲食者須要清熱  
解毒必俟清涕出方可不用藥

疹吉凶十一

或熱或退五六日而後出者輕

透發三日而漸沒者輕



淡紅滋潤頭面勻淨而多者輕

頭面不出者重

紅紫黯燥者重

咽喉腫痛不食者重

胃風沒早者重

發熱大腸變痢者重

黑黯乾枯一出即沒者不治

鼻弱口張目無神者不治

鼻清糞黑者不治

氣喘心前吸者不治



總論治法十二

疹喜清涼而惡濕痘喜溫煖而惡涼此固其大法也然亦當  
有得其宜者如疹子初出亦須和緩則易出所以發苗之初  
只要發出得盡則疹毒便解非若痘之苗而秀秀而實而後  
毒解也痘子成熟之時若太溫執則反潰爛不收是痘之後  
亦喜清涼也故治痘疹者無過執無過寒必溫涼適宜使  
陽和平是為得之

痘宜內實可用補劑疹忌內實只惟解散惟初執發表時略  
相似耳既出之後痘宜補氣以生血疹宜補陰以制陽何也  
蓋疹執甚則陰分受其熬煎而血多虛耗陰金被尅故治以

清火滋陰爲主而不可少動其氣若燥悍之劑首尾皆禁忌也世知痘證所係之重而不知疹之殺人尤甚方書以爲多而不備良可太息也

一 班疹之毒皆由於火內經曰赫曦之紀其病瘡癘或爲火司天或司運之歲肺金受制感而發者居多輕則如蚊小之狀或壘腫於皮膚間各曰癩疹重者如珠點紅暈或成片如錦紋名曰班疹大抵色赤者吉色黑者凶其證似傷寒發熱凡三四日而出七八日而靨也凡此之類皆屬邪熱治之法惟辛涼解利而已卽若吐瀉亦斷不可用溫補也如豆蔻乾薑之類切勿輕用而初發之時尤不可大汗只宜升麻



葛根透邪煎之屬微表之耳故用宜斟酌有不可一槩取也

標出不紅現而發熱轉甚或頭痛身痛煩躁者升麻湯或海

色赤稠密身痛煩躁者升麻湯加紫草連翹

寒熱併作頭痛背强者升麻湯加羌活防風連翹

頭頂面腫升麻湯加牛旁子荆芥若脉強火盛熱渴者日清

降其火以白虎湯加減用之

自汗煩渴氣壅脉數者化班湯

身熱煩渴泄瀉者柴苓湯或四苓散如夏月益元散

熱甚小便赤澀譫語驚熱者導赤散四苓散加辰砂夏月益元散加辰砂

咳嗽甚者二母散麥門冬湯清肺湯



喘者小柴胡湯去人參加五味子

執甚鼻衄或便血溺血執甚者黃連解毒湯血甚者黃連解毒湯

傷食嘔吐六君子湯加藿香乾薑或減去人參

者解毒湯○小便不利而嘔吐者四苓散一二日

大便秘結發熱身痛蒼大柴胡湯腹脹氣喘者前胡枳殼

咽咳不利甘桔湯兼風執欬嗽者加防風

寒熱往來似瘧小柴胡湯如兼欬嗽去人參

厥後身熱不除者升麻湯或去升麻加黃芩黃連各酒炒用

下痢赤白腹痛者黃芩芍藥湯或加板殼身熱腹痛者解毒湯

餘毒未盡變生癰疽瘡癤者升麻湯加防風荆芥牛蒡子



景岳曰按以上萬氏治疹諸條皆極詳妥然其中惟瀉痢氣喘  
二證則最多疑似蓋二證之由疹毒固當如其治矣然有  
因疹毒者如俗醫但見是疹無不棄用寒涼不知有可涼者  
有不可涼者其有脾氣本弱而過用寒藥或以誤食生冷致  
傷脾胃而爲泄瀉痢亦多有之此一證也雖曰由疹而致而  
實非疹毒之病矣但察其別無熱證熱脈而兼之色白色  
者便須速救脾氣急從溫補宜溫胃飲五君子煎曾聞前之  
類主之若熱謂疹毒不可溫則無不危矣此醫之當知本也  
又如氣喘一證大有虛實蓋十喘九虛若察其本非火證又  
非外邪而或以大瀉或以大汗而致喘者必皆氣脫之候此



非六氣煎或貢元飲必不可也凡此二者皆不可不加細察  
而或者以氣促作氣喘則萬萬大誤矣又痘疹總論中有因  
人因證之辨與此麻疹實同一理所當參閱故不可以麻疹  
之邪悉認爲實火而不知虛火之爲害也

徐東皐曰痘難疹易之說此俗談耳其有胃氣原弱所感入痰  
又或因瀉利而發有不快或發之未透而隨現隨隱久之邪  
氣漸入於胃必瀉泄不已出而復出加之喘促則必危矣凡  
若此者又豈可以易言哉所以但有出疹若見虛弱急當先  
補脾胃其有欲出不出者當托裏發表以助之且首尾俱不  
可瀉一如痘證同也



疹禁忌十三

凡疹瘡發表之後紅影出於肌膚切戒風寒生冷如一犯之則

皮膚闕密毒氣壅滯遂變瘧身青紫而毒反內攻煩躁腹痛

氣喘悶亂諸證作矣欲出不出危亾立至醫家病家皆不

一疹瘡之證全在調治禁忌如鷄魚炙燻鹽醋五辛之類直

七七之後方可食之惟宜其淡不可縱口致生他疾也若

食鷄魚則終身皮膚粟起如鷄皮之狀或過天行出疹之時

又令重出悞食猪肉則每歲凡遇出疹之月多有不利誤食

鹽醋致令欬嗽則每歲出疹之月必多欬嗽誤食五辛之物

則不時多生驚熱此痘疹之家皆所當慎也



疹發熱十四

疹瘡非熱不出凡疹子欲出必遍身發熱或煩躁或頭眩或  
一體拘急及既出則身便涼諸證悉解此一層疹子隨即收者  
極輕者也如疹子既出而熱甚不減此毒盛者也宜大青湯  
解其毒便毒者宜黃連解毒湯合白虎湯或大連翹飲其  
裏大便不通者局方涼膈散加牛蒡子主之

疹喘嗽十五

凡疹證多嗽此頓出頓入之勢也但有疹毒須假嗽多而散故  
疹後旬日之內尚宜有嗽切不可見嗽多而治嗽也宜慎之  
疹證屬肺與脾胃肺受火邪則嗽多嗽多則頓出頭面并及四



一 腹大腸受火邪則上連脾胃而為泄瀉若早瀉則嗽必減而  
變為喘蓋喘嗽二者皆屬於肺然嗽實喘虛得嗽者由得喘  
者入八則合眼多痰胸滿腹脹色白而毒不盡出瀉則危矣  
此疹之宜嗽不宜喘而最不宜於泄瀉也

疹吐瀉十六

凡疹子初起發熱吐利純是熱證不可作寒論此乃火邪內透  
上焦則多吐下焦則多利中焦則吐利並作自利者宜黃芩  
湯吐利者宜黃芩湯加半夏二錢生薑三片自利裏急後重  
宜黃連解毒湯合益元散

凡疹出一二日或三四日忽然大瀉嗽多者用升表之藥加以



分利治之若瀉而兼喘復見悶亂搖頭者凶

一麻疹現後大便下膿血或因泄瀉而變成膿血者或經身利者但看瘡疹出多而色紅又多嗽者只宜表疹俟其收後宜解毒兼治其痢

一疹之初起最忌泄瀉然亦有始終泄瀉而不妨者實之強弱異也若因瀉嗽減而變為喘者則危矣詳前喘嗽條

一身熱煩渴泄瀉者柴苓湯四苓散如熱甚或夏月益元散

一疹後作痢亦有看手咬指甲撕口唇皮及咬人等證當以解毒分利藥治之若所下稠涎紅白相兼者務要用解毒之藥

○若晝夜有三五十次漸減至二三次或漸多嗽右手一指

全書卷四十一  
疹吐瀉



脈漸起清涕復來者方可望生。○若痢變煤色或成屋漏色  
或如青菜色肛門如筒喘促音啞飲食不進午後腮紅背赤  
景岳曰自古方書凡發揮未盡及用治未當者間亦有之而惟  
一於泄瀉一證則尤其為最何也蓋古人以泄瀉為熱者什九  
故多用河間黃芩芍藥湯為主治而不知凡屬泄瀉最多者  
腎虛寒也即如出疹一證雖有由疹毒而瀉者然果係實熱  
多不作瀉但致瀉者率曰脾胃之弱若但知清火解毒則脾  
必日敗而漸成屋漏青菜色及氣促絕食不治之證矣病而  
至此豈猶熱耶總屬誤耳故凡治泄瀉者即雖是疹亦必察  
其有無熱邪如無熱證熱脈即當於痘瘡泄瀉條求法治之




庶最危者猶可望其生也故系於諸法之外而獨言其要者

### 疹飲食十七

凡出疹者多有五六日不飲食此胃為邪氣所侵亦為邪氣所  
養故不食亦不妨切不可着意治之只宜治疹疹露出時  
氣漸解即思飲食尤不可與麪食雖用粥食每次只可少與  
俟氣清神爽身全不熱漸漸加添但宜少而頻也

凡出疹之先平昔過用麪食者或正出時喫麪食者或胃氣漸  
開即思麪食而用早者因動胃火以致清涕不來身體作熱  
兩眼看手咬指樞鼻撕口唇皮及搨眼劓毛者此皆疹後食  
復之病也當清肺解毒加消導之劑治之



疹飲水 十八

凡患疹之人不拘大小自起至收必皆喜飲涼水此不必禁  
宜少不宜多宜頻不宜頓則毒氣隨之漸解

疹渴 十五

凡疹子渴喜飲水純是火邪肺焦胃乾心火內亢故  
渴者升麻葛根湯加天花粉麥門冬渴甚者人參白虎  
黃連解毒湯主之

疹汗 二十

凡疹子發熱或自汗或鼻衄者不須止之此亦散越之義汗者  
毒從汗散衄者毒從衄解但不可太過如汗太多人參白虎





湯或合黃連解毒湯酌太多者玄參地黃湯

疹躁妄狂亂 二十一

凡疹有初熱而見煩擾譫妄狂亂者宜升麻葛根湯

一疹收之後餘熱未盡日夜煩躁譫語狂亂者辰砂益元散

燈心湯調下或四苓散加燈草黃連黃芩調小飛砂

疹咽痛二十二

痘疹咽痛亦是當候乃火毒上薰而然也勿以喉痺同論妄用

針刺蓋此非喉痺癰腫原無惡血可去也痘疹喉病只是咽

乾作痛宜甘桔湯加牛旁子或射干鼠粘子湯細細嚙之更

以玉鑰匙吹之



疹唇口瘡二十三

凡出疹之先或有胃火及出疹之後餘毒不散此熱毒收於  
齟上下故並唇口生瘡遇有此證每日用溫米泔水洗十餘  
次急用解毒之藥治之若或失治多變走馬疳也

疹腹痛二十四

凡疹初熱一日至五六日之間多有腹痛之證此大腸之火  
於皮敷之中故作腹痛俱不可認作傷食用消導之藥或以  
手揉俱能致害但解疹毒毒散則腹痛自止最宜慎之

疹後諸證二十五

疹後餘毒未盡隨當解之若停留日久不解則必致喘嗽或



喉中痰响或為四肢冷痺或目無光形而色青白或鼻孔如

烟筒或嗽聲不出若右手一指脉輕取散亂重

按立無則難治之證

疹子收後身有微熱者此虛熱也不須治之待血氣和

熱自退若熱勢太甚或日久不減宜用柴胡麥門冬散甚則

黃連解毒湯或合人參白虎湯

疹後熱不退而髮枯毛豎肉消骨立漸漸羸瘦為骨蒸勞瘵

之證者宜萬氏柴胡四物湯主之或蘆薈肥兒丸加當歸連

翹治之遲則變證為腫則露睛口鼻氣冷手足厥逆遂成慢

脾風痲痺不治之證矣脾

疹後熱不除忽作搐者不可以急驚風同論宜導赤散加人



參麥門冬送七味安神丸小便清者可治短小者難治尤見  
冬痰或用抱龍丸或以四物湯加麥門冬棗仁淡竹葉甘草  
龍胆草黃連茯苓辰砂石菖蒲之類治之或以此藥為末用  
蒸餅猪心血為丸服亦可

一 疹退後多有欬嗽之證若微嗽不已者此餘毒未盡也  
肺飲加主甘草牛勞子主之○若嗽甚氣逆發而不已者此  
肺中伏火金虛葉焦也宜清肺飲或清肺湯合人參白虎湯  
六一散之類主之○若身執嶺嗽甚至飲食俱陰出或欬出  
血皆熱毒乘肺而然宜多用門冬清肺湯或加連翹或清金  
降火湯主之○若欬甚而面浮目腫胸高喘急血出口鼻而

色青赤昏躁抽頭者死證也○又有脈氣本虛爲毒所逼而發喘不已但無嗽血噎食等證者宜用清肺飲倍加入參海之不可拘於肺熱之說而純用清肺解毒之藥也

一疹後餘熱未盡或熱甚而失血者四物湯加茵陳水通犀角以利小便使熱氣下行則愈若血在上者去川芎

一疹後餘毒入胃久而不散以致牙齦黑爛肉腐血出鼻氣

人者名爲走馬疳用馬鳴散主之甚者急用人中白盧菴定君子龍胆草黃連五靈脂浸蒸餅爲丸滾水服之以清胃火○若面頰浮腫眼口青黑齒脫唇崩鼻衄者死證也

一疹退之後飲食如常勸止如故乃卒然心腹絞痛遍身汗出



北京中醫藥大學圖書館藏

如水者此因元氣虛弱失於補養外雖無病裏實虛損偶然  
爲惡氣所中謂之中惡此朝發又死之證

附麻疹二十六

痘之外有疹疹之外又有麻疹疹者亦疹之類即斑疹也  
正疹則熱至五六日而後一齊湧出出背粒粒成窠或若麻  
疹之皮紅成片也且麻疹之出則不拘三四日以火照之  
身如塗朱之狀此將出之兆出則細碎皮紅成片如蚊蚤之  
迹者卽麻疹也亦或有六日始出出而又沒沒而又出不過  
一週時許世俗謂一日三出三日九出後方齊出悉徹然亦  
有不拘者只三日間從面至胸背手足雖隨出隨沒然只要



出透以遍身紅潤者為美重者遍身膨脹眼亦封閉色有赤  
白微黃不同只要紅活最嫌黑陷及面目胸腹稠密癢燥  
喉者為逆發不出面喘著即死所謂麻者以遍身細碎如麻  
無有空處故也然又有遍身但紅而絕無斑點者是謂火  
火丹亦其類也故痘家有夾疹夾麻夾丹等證總皆非毒所  
致俱當詳辨也

一麻疹初起阿欠發熱惡寒欬嗽嚏噴流涕宜升麻葛根湯加  
蘇葉葱白以解肌切忌大汗○若潮熱甚者加苓連地骨皮  
○譫語者調辰砂益元散○欬嗽加麻黃杏仁夾胸冬石膏  
○欬甚熱甚者用涼膈散加桔梗地骨皮○泄瀉者宜四苓

散便紅合犀角地黃湯○吐血衄血用犀角地黃湯加山梔

小便赤加木通○寒熱似瘧小柴胡湯

一麻疹已出煩躁作湯者解毒湯合白虎湯○喘而復閉者前

胡枳殼湯加五味子○便秘甚者小承氣湯○譫語渴閉者

導赤散○小便如油者四苓散加車前木通○譫語如狂者


解毒湯調辰砂益元散○大小便血者犀角地黃湯合解毒

湯○吐血衄血解毒湯加炒山梔單便○泄瀉解毒湯或四

苓散○喘兼泄瀉瀉赤澀者柴苓湯○煩熱大渴作瀉者白

虎湯加蒼朮猪苓○熱盛乾嘔者解毒湯○傷寒嘔吐四君

子湯○夏月因熱作嘔四苓散加人參





一麻證初起及已出已沒一切雜證俱與痘疹大同但始終契  
宜清涼雖曰麻喜清涼痘喜溫煖不易常道然虛則宜  
瀉寒則溫熱則涼方是醫家玄妙故治麻亦有血毒用四  
物湯氣虛而用四君子湯傷冷則溫中理中之藥此因證而用也  
一麻證收後餘毒內攻凡蓋衣摸床謔言妄語神昏亂者死  
○如熱輕而餘毒未除必先見諸氣色若有所見須預防  
始終以升麻葛根湯為主或四味消毒飲或六味消毒飲解  
毒湯隨證選用仍忌魚腥葱蒜等物

水痘二十七

凡出水痘先十數點一日後其頂尖上有水泡二日三日又出



漸多四日渾身作痒瘡頭皆破彼加壯熱即收矣但有此疾須忌發物七八日乃痊

一水痘亦有類傷寒之狀身熱二三日而出者或欬嗽面赤

光如水或噴嚏或流涕但與正痘不同易出而熱解毒為

麻疹論列方二十八

四君子湯補一

五君子煎新熱六

六君子湯補五

凶物湯補八

六氣煎新因二一

人參敗毒散散三六

化斑湯寒三

白虎湯寒二

人參白虎湯寒三

小柴胡湯散十九



女柴胡湯 攻七

荆防敗毒散 痘三

甘桔湯 因一七五

解毒湯 痘五一

黃連解毒湯 寒一

麻黃湯 散一

升麻湯 痘一三九

升麻葛根湯 散一十

透邪煎 新因二三

托裏散 痘四

局方涼膈散 攻十九

柴歸飲 新四十五

柴胡橘皮湯 痘二九

仲景黃芩湯 寒百五

二母散 痘百五十

射干鼠粘子湯 痘七七

麥門冬湯 痘一四二

導赤散 寒一二一

萬氏柴胡四物湯 痘一四三

四苓散 和一八七



南京中醫藥大學圖書館藏書

柴苓湯和一九二

小承氣湯攻二

門冬清肺湯痘一四七

瀉白散寒四二

溫胃飲新熱五

柴胡麥門冬散痘二四

抱龍丸小八五

大連翹飲寒七八

七味安神丸小七二

馬鳴散痘一三八

養血化斑湯痘十八

益元散寒百十二

大青湯痘一五三

清金降火湯痘一四九

頁元飲新補十九

胃關煎新熱九

玄參地黃湯痘八六

玉鑰匙因一九三

胡荽酒痘百七八

犀角地黃湯寒七九



南京中醫藥大學圖書館版權所有

四味消毒飲 痘四八

蘆薈肥兒丸 小百十四

前胡枳殼湯 九四

備用方

具列痘疹方未所當詳闕

六味消毒飲 痘四九

桂枝葛根湯 痘三七

黃芩芍藥湯 寒百九

景岳全書卷之四十二終

全書卷四十二 朱參列方

五



南京中醫藥大學圖書館版權所有